

सानसेयारि "बड'सा" खौरांलाइयाव
अमजयारि जिज्जो लोब्बा थानाय रायथाय, अन्थाय,
अल', अल'बाथा आरु दावबायारि थावनि, पार्क
बाइदिनि आयाव लिन्नाय लिन्निबां दैथाय हरु।
सानसेयारि "बड'सा" खौरांलाइया सेबअरानि
फोसावगोन।
बड'सायाव लिन्नायवि हुदा खालाम,
"बड'सा" खौरांलाइया, जो बयबो अंगो खालाम।
सानसेयारि बड'सा माखुलि
माइबं नोगार, जोहोलाव दैमालु लामा
कक्राझार, बिटिम-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Friday ★ 11 June, 2021 Kokrajhar, BTC, Assam ★ Vol.- 31, Issue No. 76 ★ R.N.I.Regd.No.40994/91, Assam Govt.Regd.No.IPRD.40/2006/13, ★ Rs.8/-

रायमना माहारियारि हाग्रामाखौ बेखेवननै होबाय आसामनि हाग्रा बिफाननि मन्थि परिमल सुक्लबायद्यआ

कक्राझार, 10 जुन: बि टि
आर हालामनि जरखायै कक्राझार
हालामनि थाखाय दिने मोनसे
गोजेन्थाव आरु जारिमिनारि
सान। मानोना थानाय 5 जुन
आबहावा सानयाव आसामनि
गिबि मन्थि ड० हिमन्त बिश्व
शर्माआ फोसावखानाय बायदिने
दिने रायमना नेसनेल पार्कखौ
(□ 5 बिलाइआव)



गिबि मन्थिनि गथ 'सा सिबिथाय बिथांखिखौ बेखेवजेनबाय गिबि मन्थि ड० शर्माया

बे बिथांखिनि गेजेरजो मुलाम्फागिरिफोरा मोनसे
मानगोनां जिउ खुंनो खावु मोनगोन: गिबि मन्थि

दिसपुर, 10 जुन: राज्योनि बि
जे पि सरकारनि दैदेनाय जुथाय
हान्जानि सरकारनि खुंथाय
सामब्लायनायनि गिबि दाना
आबु जानायजो लोमोसे लोब्बा
लाखिनानै गिबि मन्थि ड०
हिमन्त बिश्व शर्माया दिने
गिबि मन्थिनि गथ 'सा सिबिथाय
बिथांखिखौ दिने मोनसे
हाबाफारिनि गेजेरजो बेखेवननै

होयो। बे फोबोआव आसाम
खुं थायारि बिबानगिरि
फरायसालिमायाव खुंफुनाय
मोनसे हाबाफारियाव गिबि
मन्थि ड० शर्माया कभिड-19
आव बिमा-बिफा खोमानानै
लानानाय माखासे मावरिया
गथ 'फोरनो रांखांथियारि
अनसुंथायनि गिबि दाननि
अनसुंथायनि चेक, जमानि

फोरमान लाइ, गंफा-गंफा
लेपटप आरु बाथानि थपलाखौ
गथायनानै होयो। मख 'नो
गोनांदि बे बिथांखिनि सिडव
साफ्रोमबो मुलाम्फागिरिनि
(□ 4 बिलाइआव)

रायमना हाग्रामाखौ नेसनेल पार्क महै बेखेवनायखौ कक्राझारजिल्ला दुलाराय बर' फरायसा आफादआ गोजेन्नाय फोरमायदों

कक्राझार, 10 जुन: कक्राझार जिल्ला दुलाराय बर'
फरायसा आफादआ थानाय 5 जुन, 2021 ई खालारखालि मुलुगनं
आबहावाजो लोब्बा लाखिनानै आसामनि गिबि मन्थि ड०
हिमन्त बिश्व शर्माआ बि टि आरनि बिखायाव थानाय रायमना
हाग्रामाखौ 'माहारियारि हाग्रामा' (रायमना नेसनेल पार्क) मुडे
फोसावनायखौ कक्राझार जिल्ला दुलाराय बर' फरायसा
आफादनिफराय बरायनायजो लोमोसे गोजेन्नाय फोरमायदों।
गोदानै फोसावनाय बे रायमना (□ 5 बिलाइआव)

कभिडनि थासारिनि जाहोनाव गुडामावनो सेवलांदों 200 कुइन्टल आलुआ

तामुलपुर, 10 जुन: बाक्सा
जिल्लानि तामुलपुर महकुमानि
सिडव थानाय नबदिप फोथार
सामब्लाय कमिटिया दिहुनाय
300 कुइन्टल आलुआ
हाथाय-बाजारनि आंखालाव
गुडामावनो सेवलांनयनि
जाहोनाव एरनो गारहरनो गोनां
जादों। आथिखालाव कभिड-
19नि थासारिनि थाखाय
हाथाय-बाजारफोर बन्द जानानै



थानायनि जाहोनाव दिहुनजानाय ह मनाय 200 कुइन्टल
आलुफोरखौ फान्नो हायै
जानायव गुडामावनो सेवलांनो जानायव कमिटिया गोबां खहा

मुसलपुर जिल्ला आबाद बिफाननि मावख'आव बि टि चिनि मावफुं सोद्रोमा घनस्याम दासआ हरखाबै नायगिदिहैदों

बाक्सानि आबाद बिफानाव गोबां जेना दड': घनस्याम दास

बाक्सा, 10 जुन: बाक्सा
जिल्लानि आबाद बिफानाव
गोबां जेनाफोर दड'। बोसोर
बोसोर सोलिबोनाय
जेनाफोरनि गेजेरजो खामानि
मावबोदों बाक्सा जिल्लानि
आबाद बिबानगिरि आरु
मावफारियाफोरा। दिने बि टि

चि नि आबाद बिफाननि
मावफुं सोद्रोमा घनस्याम
दासआ मुसलपुराव थानाय
जिल्ला आबाद बिफाननि
मावख'आव हरखाबै
नायगिदिहैनायनि समाव बे
बाश्राखौ बुडे। बिथाडा
बुंबावोदि सम-सम बे

बिथिडव गुबुन गुबुन
सुबुंफोरनिफराय मिथिथाय
मोन्नायनि उनाव हरखाबै
मावख'आव नायगिदिहैनायनि
(□ 5 बिलाइआव)

बाक्साया सासे उन्दै बैसोनि बेंगुरा हिन्जावसाखौ जिनाहारि खालामदों

बाक्सा, 10 जुन: बाक्सा
जिल्लानि गधुलिगावआव सासे
अजाया उन्दै बैसोनि बेंगुरा
हिन्जावसाखौ जिनाहारि
खालामनाय जाथाया ओन्सोल
नाडैनो दुंहाव थासारि
सोमजिहोदों। मिथिनो मोन्नाय
बादिब्ला जिल्लानि शिमला
(□ 5 बिलाइआव)

तामुलपुर दखरा फरायसा आफादनि खौसेथि सान फालिदों

तामुलपुर, 10 जुन: तामुलपुर दखरा फरायसा आफादनि
बान्जायनायाव दिने गोलाव सानसेनि हाबाफारिजो आफादनि गाहाय
मावख'आव फरायसा खौसेथि सान फालियो। हाबाफारि बादिने
दिने फुनि बुब्लियाव आफादनि फिरफिलाखौ बिरहोयो तामुलपुर
दखरा फरायसा आफादनि आफादगिरि बिपुल दासआ। मुंखंफोरनो
बिबार बाउजेनानै जेवारि बाथिखौ फोजोडे आफादनि गाहाय
नेहाथारि प्रान्जल दास आरु (□ 5 बिलाइआव)

चिरांनि रुनिखातायाव सासे फरायसाया मबाइल बाहायनो मोनैनि थाखाय जिउ फोजोबना लादों

चिरां, 10 जुन: आथिखालाव
टेकन 'लजि बिजो खौ
बाहायनायनि गेजेरजो सुबुंफोरनि
जिउ खुंनय राहाया गोरलै
जाबोदों आरु सुबुं माहारिया
टेकन 'लजिखौ बाहायनायनि
गेजेरजो गोबां जौगानाय
बिथिडव सौफेनो हादों। नाथाय
खायसे सुबुंफोरा टेकन 'लजि
(□ 5 बिलाइआव)



पि टि चि ए, ट्राइबेल संघनि गागि दैदेनगिरि, गागि समाज सबिधारि आजुराम आलसियारीआ गैलिया गुबुन गुबुन दोलो-आफादफोरा दुखु फोरमायदों



सिमेन सापरि, 10 जुन: साहा
आसामखौ आलादा
उदियाचलनि दाबि दैखानाय
प्लेन ट्राइबेल काउन्चि, अफ
आसाम पि टि चि एनि धेमाजि
जिल्लानि बार ग' लेडाइ
आफादगिरि, धेमाजि जिल्लानि
रामधन दिखारि गाव पन्नायतनि
खेबनैनि थाखाय आफादगिरि
मासि सामब्लायनाय, जनाइ
जिल्ला ट्राइबेल संघनि 20
(□ 5 बिलाइआव)

आसाम बुक्स अफ रेकर्डआव बाक्सानि लाइमोननि मुडा सोसनजादों

बाक्सा, 10 जुन: आसाम बुक्स अफ रेकर्डआव बाक्सानि सासे
लाइमोननि मुडा सोसनजादों। बाक्सा जिल्लानि बरिमाखानि
लाइमोन ज्यतिश शरनीयाआ आसाम बुक्स अफ रेकर्डआव मुं



सोसनजानानै ओन्सोलनाडैनो गोमगानाय लाबोने हादों। सासे
फोरिंगिरि महैर खामानि मावनाय शरनीयाआ महापुरुष श्रीमन्त
शंकरदेवआ सुजुनाय करतल कमल मुनि खन्थाइखौ बेजि आरु
खुन्दुंजो फालियाव लिन्नानै बे सन्मानखौ मोननो हायो।
आथिखालाव नामति एम इ फरायसालिनि फोरिंगिरि ज्यतिश
शरनीयाआ उन्दै समनिफरायनो (□ 5 बिलाइआव)

सिनाय मोनै सुबुंनि गोथै सह' बोखांदों

चिरां, 10 जुन: चिरां जिल्लानि
रुनिखाता पुलिस थानानि
सिडव थानाय रुनिखाता ब्रम्स
मन्दिरनि लांगोनायाव थानाय
गंसे जिरयग्रा न' (वाइटिसिट)
आव सासे सिनाय मोनै बैसो
जानाय बोराय सुबुंनि थैना
थानाय गोथै सह' बोखांनो
(□ 5 बिलाइआव)



भवानिपुर-मानास माहारियारि पार्क थांग्रा पि डब्लिउ डि लामाया बायफ्लेलांनयनि थासारियाव दंसे

भवानिपुर, 10 जुन:
भवानिपुर बिधान सभा
बियाबनि गेजेरजो
भवानिपुरनिफ्राय मानास
माहारियारि पार्कसिम थांग्रा पि
डब्लिउ डि लामाया
बायफ्लेलांनो ह मनायनि
जाहोनाव सरसनसा सुबुंफोरा
हान्था-मेला खालामनाय
बिथिडव गोबां जेनाजो मोगा-
मोगि जानो गोनां जादों।
मख 'नो गोनांदि भवानिपुर



स'कनिफ्राय एबा 31 नं
माहारियारि राजा लामानिफ्राय
सरुपेटा-साउदरभिथा-आनान्द
बाजार जानानै औवावरि एबा

हादोतआरि एबा गुबुन
हादोतआरि दावबायारिफोरा
हान्था-मेला खालामबोदों। बे
लामाजो सानफ्रोमबो रोजा-रोजा
गारि-मटरफोरा हान्था मेला
खालामो। नाथाय बे गोनांथा
भवानिपुर-मानास माहारियारि
पार्कसिम थांग्रा पि डब्लिउ डि
लामा गेजेरवनो गोबां गोथै-
गोथै हाखर जानायखौ नुनो
मोनदों। जाहोनाव हान्था-मेला
(□ 5 बिलाइआव)

सुजुगिरिनि खोलोम

बर 'नि दानाय-लुनाय आरो हारिसु लखिनाय

बुंस हायै समनिक्रायनो गामिआव राइजो जाग्रा सुबुंफ्रा दानाय लुनायखौ गोनां आरिसु महरे गोबाना लाबोदों। बर' माहारिनि गेजेरव बाश्रा फसे दइ 'जाय हिन्जाव दानाय लुनायाव आखाय गेया बे हिन्जाव सिखाखौ रावबो हाबा खालामा'। बाश्राया नंखाय नखा। गामिआव नखरफ्रोमबो साल-गान्दैजों समयान इसानसाली थानायमोन। मेसें बोथोर सौफेनाय लोगो लोगो नखर नखर सि सोंनाय, नो-खनाय, बिनि उनाव गान्दैआव खुनुंखौ फान्ना सालाव दानाय। गामिआव हाबहैब्लानो नखर नखर खालथां, खालथां, माखु गावनाय सोदोब खोनानो मोननायमोन। आथिखालाव नाथाय गामिप्रव हाबहैब्लाना माखु गावनायखौ बारा खोनानो मोनलिया। यानि जाहोनाव गामिनि आइजोफ्रा सि दानायखौ नागारनो हमखो, बेखौबो गोथौथै साननो गोनां जाबाय। गोदोफेर खुनुंखौ गाव गावनां बाइदि रोखोम मुवाजों गोमो, गोथां गोजा, गोमो दाउदै बाइदि रोखोम मुवाजों बाइदि बाइदि गाव गाना सि दानायमोन। दानिया नाथाय, हाथायाव मोननाय गोजा गोथां गोमो बाइदि रोखोम गामिनि खुनुं बायना दखना, जोमग्रा सिमा, बाइदि बाइदि रोखोमनि सि दाबाय।

गोदो गामि गामि इन्दि बिफानि बागान खालामना एमफौ फिनानै फिथोबनिप्रय इन्दि, खुनुं दिहुना इन्दि सि दानायमोन। नखराव जोमनो दोननायबो गुबुनोबो फानहरोमोन। इन्दि सिनि बेसेनआ गोदोनिखुड आथिखालाव गोबां जसिनबाय। गोबां रोखोमनि इन्दिसि दाना दिहुनो हाब्ला बेनिप्रयबो गोबां रं मोननो हायो। बेजोंनो नखरनि गथ गथायनो लेखा-बायनो गाननाय जोमनायखौबो ज'गर खालामनो हायो। आथिखालनि सुबुंफ्रा नाथाय इन्दिसिखौ जोमाबालानो हाथायाव मोननाय मनिपुरि जोमग्रा, कायमीर साल बाइदि बाइदि सि फोरखौसो बायना जोमसै।

सिनि फालांगि खालामनो माखासे आइजोफ्रा दाउगाबोनायखौ नुनो मोनदों। आइजोफोरनि दानाय लुनायनि आफदफोर दाना लानायखौ नुनो मोनदोंसे। बे रोखोमनि उडभिं सेन्टराव दखना जोमग्रा बाइदि बाइदि सि दाना हाथाय बाजारवा फाननोबो लाबाय। गामिनि सिखाफ्राप्रानो बे उडभिं सेन्टराव जानो आन्था' रं लाना दानाय लुनाय हाबाखौ मावनो हमबाय। नाथाय बेजों उडभिंनि सोद्रोमाफ्रा बेसे बां मुलाम्फा दैखानो हादों बेबो मोनसे साननो गोनां। नुनो मोननाय बादिथैब्ला उडभिंनिप्रय दिहुनजाय सि-जोमखौ फाननायनि थाखाय नांगोमानि गुवार रोखोमनि हाथाय गैया। नांगो रोखोमनि गुवार हाथाय गैयाब्ला उडभिंनि थाना थानांगोआ गोब्राब। हादोरनि बायहाआवबो बे रोखोमनि हाथाय थानांगोन। जैरेखि जाया, माहारिनि हारिसु आरो आरिसुखौ फोथाना लखिनायनि लामाखौबो लानांगोन। बि.टि.सि. हालामनि बर' आइजोफ्रा गोदो गोदायनिप्रय सोलिबोनाय दानाय लुनायनि आखुखौ फोथाना लखिनांगोन। बिटिसिनि दैदनिगिरिफ्रबो गामिफोरनि आइजोफोरखौ थुलुंगा होनायै खाथिना जाग्रा सुबुंफोरनो गानग्रा दखना गांसेनि खुनुं खिनिखौ जगायना सोरकारा होनो हानांगोन। आथिखालनि गामिफोरनि सुबुंफोरनि हाव-साला गाहाम नंलिया। जानाय लौनायखौनो जगायनो हायाब्ला गाननाय जोमनायखौ माब्रं जगायनो हानो? जैरैखि जाया थानानै थानायनि राहाखौ बिटिसिनि दैदनिगिरिफ्रा गामिनि सुबुंफोरनो होनांगोन। बिनि लोगो लोगो माहारिनि हारिसु आरो आरिसुखौबो फोथानानै लखिनांगोन।

दिनैनि फानजामुथि

राशि बाइदियै मुनि गिबि हांखो
 मेष: अ ल वृष: ऊ ब (उ ए इ) मिथुन: क छ (ङ ङ) कर्कट: ड ह सिंह: म ट कन्या: प ठ (ण ष) तुला: त र बृश्चक: ब न धनु: ध भ (ढ फ) मकर: ख ज कुम्भ: ग श (स) मीन: द च (ख ज झ)

- मेष:** जेखि जाया नाजाथाबनानै खामानिफोरखौ मावलानो हागोन। गोसोखौ लोरबां खालामनो नाड।
- वृष:** फालांगिफोर खालामोब्ला खहा जानो हागौ। बे रासिनि थाखाय गाहाम सान नडा।
- मिथुन:** गोबाव समनिक्राय आसा खालामबोनाया मोगथां महर मोनगोन। गोसोखौ सांथि मोनगोन।
- कर्कट:** देहायाव सानाय-सुनाय सोमजिखानो हागौ। जानाय-लौनायफ्रव साबधान जानांगोन।
- सिंह:** सान्नायफोरा जाफुंसारगोन। जेखि मावा जोगानाय फेनो हागोन। फारफ्रोमथिबो मोजां।
- कन्या:** आद्रा थानाय खामानिफोरखौ जाफुं होनो हागोन। गोजोन्यायखौ मोनगोन। मोजां सान।
- तुला:** बे रासिनि सुथुरफोरा दंबा बांलानो हागौ। जैरेबो सांग्रां जानानै थानांगोन।
- वृश्चक:** सोरनिबा सायाव दुखु-दाहा सैफानानो हागौ। गोसोखौ हमथानानै था।
- धनु:** माबाफोर खामानि लानानै दावबायनानो हागौ। सांग्रां जानानै दावबायनानो हागौ।
- मकर:** गोसोआव मोजां हाबा मावलानो थुलुंगानाय फेगोन। सान्नायफोरा जाफुंनो हागौ।
- कुम्भ:** मानिबा जाहोनाव फरायनायाव हँथा सोमजिनो हागौ। जेखियानो जाया नाजानांगोन।
- मीन:** राज सामलायनायाव गिखानाय मोनो हागौ। गोसोखौ लोरबां खालामनो नाड।

सुंद सल'

अनसार बसुमतारी
 गामि- हारजरा(पर्वतजरा)

मिथिं.मिथिं.मिथिं.फैद' राइजो-राजाफोर फैद'.....। सान्जौफुनि ओंखाम जाखां-लौंखां गामिनि जिरायसालि न'याव थानानै आरोबाव खेबसे हब्रानानै हालमाजिया गाबत्रि हरस्राबावगासिनो थारों। गामियाव दायना-दायनिनि थाखायनो गिलुं-लुं थानाया ओरै नोबा गोबाव खाथारसैमोन गामिनि मानसिफ्रा बिनि सायाव जाफेरा-जाफेरा दिनेंसो खेबसे दायना-दायनि ह मनानयनि मिथिडडा। बिनिखायनो हालमाजिनि गाबत्रिहरनायाव गामिनि हौवा-हिन्जाव, गथ'-गथाय बयबो मिथिडव ज' जाफेबाय। जाथाया बोरैनिफ्राय-बोरै जायामोन बिखौ आयं बिरफुंआनो सिगां रायजो-राजाफोरनो फोरमायना हागोदोना। बिरफुंनि नालिस होनाय बायदियैनो बिरफुंखौ गावबुराया बुंनो खावलायप्रोबाय। दासो खिथानो मोदों होन्याय बायदि बिरफुंआवो हाखु-दाखु पुंफुं सिखारनानै गावनि हिन्जावा गोबां साननिफ्रायनो बिसिनायाव जन्ना जानानै गोलेसोनानै थानाया दायना-दायनिनि आखाइ दंथारो बुंनानै फोरमायना होदों। खिन्थाखानानै सि जिरायफिन्दों बिरफुंआ।

गामियानो बिब्दिनोसै नालाय दायना-दायनिजों बुंफनबाय सिबाय दासो हाबा जाफे गोदान रायजो जास्तिंनयखौलाय अन्नाय-बानाय मानो दायना-दायनिया रायखोसैलाय सि: सि:सि: सासे बुरैया दायना-दायनिनि आखाइ दं खोनानाय लोगो-लोगो रागाजों गोमसारलायनया रायल'बाबायनानै जिरायफिन्दों। ख'ायस'े'बा बुंबावबायसो दायना-दायनिखौ गिनानै गोथां गोब्राम देनानै फनबनो। दानो बुथारस्रांखायाब्ला गामियाव आरोबाव बेमार-आजार थैनायफ्रा जाफलेबाय थगोन। बिब्दिनो मिथिडा दायना-दायनि ह मनानयनि थाखाय दावराव जाथारदों। नाथाय आस'ल'थे गुबैयै दायना-दायनिया सोरमार रावबो बुडाखै। खालि सन्देह'जों गावजों गाव मेगन फेदेरलायथारदों। रायजो-राजाफोर मिथिगौब्ला थाब खोन्थाहरदो। गुबैयै दायनाया सोरमार? गावबुराया बयखौबो सि थानो थिन्नानै सन्देह' जाबाय थानायलाय रागा जौंदबनानै दुंफुं सिखारनानै सांहरबाय। गामिनि राखेब अजायानो जौनि गामिनि मानसि जाग्रा सासे दायनाया। बिनो आंनिबो आगोमा फिसा हौवाखौ उन्दैयाव जानानै फोथैनाया। सासे सेंग्रादब बोराया सोंनाय लोगो-लोगो दुंफुं सिखारनानै गावबुराानो खिन्थाहरदों। राखेब अजाखौ दायना मिथिनाय लोगो-लोगो मिथिडव बयबो दावराव जाबाय। बिरफुंयाबो मिथिडवनो राखेब अजाखौ बुनो खारदाव-खारसि नागिरलाबायबाय। खाफला मोजां राखेब अजाया मिथिडव फैयाखै। मोनैनि

गाबोनबो बे बायदिनो जाबावगोन

गावनो दलर थाफिन्दों बिरफुंआ। मिथिनि थासारिया गात्रियानो जाबाय। रायजो-राजाफोरनो खालि राखेब अजाखौल' नां थारसिगौ। मोनोब्ला दानो-दिनैनो गोथां-गोब्राम देनानै फबथारसिगौ। गामिनि हिन्जाव हापैजों जाबजों बिरफुंखौथ' नायजाला मोसो दामब्राया सौलायनो बोलो फोरानाय बायदि जाबाय रागाया। मानसि बुथारनायखौ आयेना निमाहा होया बिखौ गावबुराया मिथिखागौ। आरोबाव पुलिसफोरा खोनाहैयोब्लाथ' दानो बयखौबो खाफेजोबगोन। बिनि सायाव राखेब अजाखौ दायनासो बुंदों नाथाय मिथिडव रावबो फोरमान होनो हायाखै। बिनिखायनो गावबुराया गासैखौबो बुजिनानै रायजो-राजाफोरखौ धरज' ह मनो खावलायनानै राखेब अजाखौ दायना नंमारगौना नंमारा खेबसे आन्जाद लागोनो खावलायनानै मिथिखौ फोजेबथ'बाय। नाथाय रायजो-राजाफ्रा मिथिखौ दोन्थ'नायनि थाखाय गोसोखौ गोजोनखौनो मोनलाडाखिसै। खायसे सेंग्राफ्राथ' गावबुरानि लेक्साराव गावबुराखौनो दायना-दायनिनि लोगो गुडै-बुडै बुनो जुगुमलांभावबायसो।

मिथि'ख'ौ दोन्थ'नायनि थाखाय बिरफुंआ रागा जौंदोंमोनब्लाबे जेबो खामानियाव होयाखिसै। रायजो-राजाफ्रा सिखारनानै गावबा गाव न'याव फैजोबनायलाय बिरफुंयाबो फेसो गिलिद जानानै न'याव गोनांबाय। सानै सान्थामनि उनावनो राखेब अजाखौ लानानै दायनानि मिथिडा जाफिन्तो गोनांलाय सिगांगो बिरफुंआ गावनि हिन्जावखौ आरोबाव राखेब अजानावनो गावबुराया बुंनाय बायदियै आन्जाद लानो थाखाय फुडावनो लाबोमारदों। बोजों-बोजानि मानसिफ्रा गोसोम-गुफुर मटर लानानै राखेब अजानाव फुजा होगासिनो दंलाय बिरफुंआ थथ'नादों गावनि बेमारि बिसिखौ नेंदों। आन्जाद खौ जागायजेन्दों बिरफुंआ मोदीम गिदिर-गिदिर, उदै बेलदां-बेलदां, हुदुर बुसि-बुसि आलासिफोरनि खाथियव थानानै सिरि-सिरि खोनासदों अजाखौ मा बुडो। नाथाय गैया राखेब अजाखौ रावबो गात्रिखौनो रायज्याया। खायसे बुंदोंसो राखेब अजाजोंनो बेमारिखौ साफा मोन्थारदों। राखेब अजाखौ गात्रिखौनो रायज्यायाय बिरफुंआ गावनि बिसिनि खाथियाव जिरायफनानै सिन्था जाफिन्दों बिदिब्ला राखेब अजाया मोजां अजासो। बिब्दिब्लाथ' हामथारगोन आंनि बिसियाबो माब्ला ख'भायबावनानै थाब नायहोनो मोनबावसै। बिब्दि सिन्था खालामबाय थानाय समावनो बिरफुंनि मोखां सोम-सोम जिंगा सिहाब्याय थानायखौ नुनानै सासे सादा-सिदा उदै गेन्द्रा दा आलासि बोराया सौफेदों-

-बाबु बेसे गोबावसेमोन जन्नाया? -दान मोनबासो जाबाय आदै। -डक्टरनाव माब्लावा लांफेरबायमोन नामा? -लां फे र'खौ खेबसेबो। खालि अजानावल' नायहोनाय जादोंमोन। -इस! नौना गोरोन्थि जाबाय बाबु? बेयो अजानि आखाइबो नडाबो जानो हैगौ। हायोब्ला दिनेंसो डक्टरनाव लांनानयनि बेबस्थाखौ लादो नों बाबु। हाफ आदै, गामिनि मानसिफ्रा दायना रायनायखाय अजा जोंनो हामथारगोन बुंदों। बिनिखायनो आं अजानावनो नायहोबाय थानाय जादों। दायना आरो अजानि खोथाखौ दोन्थ' नों बाबु। नों दानो डक्टरनाव लांनानयनि बेबस्थाखौ लादों। नडाब्ला नौनि हिन्जाववा हनै जेबो हुसखौनो मोनाखिसै। थैवबो आलासिनि बुंनयायखौ मानियालासे राखेब अजाखौ हाखु-दाखुनो गावनि हिन्जावखौ नायनो थिनबाय बिरफुंआ। नायदोंसो हय राखेब अजाया जेबो मिथिनो मोनाखिसै। बिनिखायनो राखेब अजाया बिरफुंखौ डक्टरनाव थाब लांनो थिनबाय गावनि आखाइ गैला होनानै। बाश्राखौ सिगांनो बुंखानो हागौमोन। साला दासो जाखेब जोबनानै हाय। बुंदों मानसि जाग्रा दायनाया। दिनें रावबो गैयामोनब्ला होखेमथारगौमोन आं। बाश्राखौ रागाजों गोसोयाव सान्नानै गावनि हिन्जावखौ न'याव लांफिन्तो टेलयाव लेर-लेर थिखोफिन्दोंमोन बिरफुंआ। न'याव सफेनाय लोगो लोगो बयबो थिनबाय जेला गोसो मोनस्रा-मोनस्रा डक्टरनावनो खेबसे लांनानयनो सानबाय बिरफुंआ। हाखु-दाखुनो नसुंसेनि बिमायं जानाय बुरैखौ लेंहैनानै गावनि हिन्जावखौ एम्बुलेन्सजों लांनानयसै। लामिया गोजानथारनालाय सोरांलायबाय हस्पितालाव सफेनाया। सफैग्रोमोना डक्टरखौ नायनो थिननायलाय बिरफुंनि हिन्जावखौ डक्टर नायदों। दान्दिस उनावनो डक्टरा इन्जिकसन गंसे थुनानै मुलि दौदों लासै-लासैनो मोजां लामायाव फैबाय। मुलिखौ जाबाय थायोब्ला हामलांसिगोन। बेफोरखौ नुनानै बिरफुंआ बेमारिखौ मिथिनो लुबेनानै डक्टरनाव सोंदों-

..बिरफुंनि हिन्जावनि खर'नि मेलेमाव माखासे बिजानुफ्रा साग्लोबनानै दंमोन। जाय बिजानुवा माखासे पयज गोनानां मेडिसिनखौ मोन्जाफलांनानै साग्लोबनाय जादोंमोन बेखौ डक्टरा बिरफुंनो रोखा-रोखा खिन्थाबाय। ...नंखायनो बेमारा अजाजोंल' हामाखै मोन। बाश्राखौ गोसोयाव सान्नानै बिरफुंआ बिमायं बुरै आरो गावनि हिन्जावखौ डक्टरा रेलिस होनायलाय गंसे अट'रिक्सा भारा लानानै न' फारसे गिदिंफिनबाय। न'सहैनो लामायाबो

गोजान नालाय बिमायं बुरैया अट'आ न' फारसै खारफुबाय थानाय समावनो गोसोयाव माबा सानगोमानानै बुंदों-आयं बिरफुं, दहाय डक्टरा होनाय रिपट'खौ मोनानै आंबो जोबोद सोमोनांदोंमोन। -मानोबा आयं? -मानो नामे राखेब अजाखौ दायना ह मनानाया रायजो-राजाफोरनि गोरोन्थि जाबाय नंदों। मानि थाखाय आयं? -खिन्थायोब्ला आंहा दाय जागोन नंदों। -जाया आयं, आं दं। नों खिन्थाल' मा मिथिखोमानानै दं। बिरफुंनि ब्रा-ब्रा सोंनायाव बुरैया खिन्थादों-थारैनो राखेब अजाया बिरफुंनि हिन्जावखौ रायनानै जेबो मुलिखौनो होयाखैमोन एवा बेस्रा राखेब अजाया दायनायानो नंमारामोन। मुलिखौ होदोंमोन बिमायासो। जायनि सोमोन्दै थानाय बैसागुआव बुरैया बेरायहैनायाव बिरफुंनि बिमाया बुरैनि सिगाडाव बुंदोंमोन बिरफुंनि हिन्जावखौ जानायाव मुलि होखोमानानै फोथैनायनि बाश्रा। जाहोना हाबानि उनाव जेबो जोथोब लाबोफानो हाथैनि दाय। बिनिखायनो बिहामजोखौ लानो एसेबो गोसो गैयामोन। दिनें डक्टरनि रिपट'आव बेनो रोखा फोरमान जाबायदि जुदा जायैनि सिगांनो जानायाव बिमाया मुलिखौ होथारदोंमोन। बिनिखायनो जुदा जानायनि उननिफ्रायनो बिमाया बिरफुंनि हिन्जावखौ गोब्राब बेमाराव गोबां दिन भुगिनांदोंमोनब्लाबे जेबो खेर खेरायाखैमोन। बुरैया गोलाव बाश्राजों बिरफुंनो खिन्थाखानानै सि थाफिनबाय। गावखौ दाय जाफाजानो गिनानै जेबो बुंश्राखिसै। बिरफुंनि खर'याव बिमायं बुरैया गोलावयै फोरमायनाय बाश्राफोरखौ खोनासंनानै सार अन्थाय गावदों। रागाजों अट' ड्राइभारखौ पुल स्विपदाव सालायनो थिन्दों। न'सहैब्ला बिमाखौ मा खालामगोन्थाय ईस्वोरासो मिथिसिगौ। गारिथु इयार राखिब बाबु। न'याव सफेनाय लोगो-लोगो बिरफुंआ अट'खौ लखिहोनानै गावनि हिन्जावजों लोगोसे बिमायं बुरि आरो थ'फला-थ'फिलफोर खौ बोख्लायनानै अट'खौ बिदाय हरफिन्नानै गावनि न'याव

हाब्याय। बिमाखौ बुनो बिमानि न'याव थांगौमोन खोमा नंखायनो थानो एम्ब्रा-एम्ब्रा जाथारदोंमोन बिरफुंआ। नाथाय बिमायं बुरैनि आरो हिन्जावनि बुजाय-आजाय खालामनायाव थानो हायखिसै थाफिनबाय। एसेयावनो हालमाजिआ बिरफुंनि सिदलायाव खावब्ला नुजाफैलायबाय- -मा हालमाजि फं बाइ? बिरफुं आनो हालमाजिखौ नुप्रोमोना सोंदों -मिथिं दंलायलै आदै दा थान्ब्लानो जाबाय। -मानिब्रा आदै? -राखेब अजाखौ दिनेनि थानाय हराव इन्जुर बोफ्लंनानै सोरबा बुथारना गालांबाय। बेनो मिथिंखौ लेंब्रबथारनांबाय आं। बेयाव नोंबो थान्थारनांगौनो आदै? दा ओंखारलांब्लानो जाबाय। बाश्राखौ बुनानै हालमाजिया मिथिं लिंनो हाखु-दाखु गुबुन नख'रथिं ओंखारलांफिनबाय। ..मिथिडवब्ला मा बुंनान्गो जाखो। गथ'नायाथ' बेलेकसो जाबाय। सिखावखौ मोना सादुवासो देथारजाबाय। राखेब अजाया दायनायानो नंमारोमोन बेस्रा। दायनिगिरिआ आइआसोमोन? थैवबो बर'फोरनि खोमसि फोथायनायाव थैनांबाय। बाश्राखौ गोसोयाव सान्नानै नांगौ जायोब्ला जाथायखौ गुदि-बिजौ बुंन होनो सान्नानै हालमाजिआ लिंलांथार नायलाय मिथिडव हाखु-दाखु ओंखारलांनयसै बिरफुंआ। हौवा - हिन्जाव, उन्दै-गेदेर, रायजो-राजाफ्रा बयबो राखेब अजा बुथारजानायनि मिथिंखौ खोनासंनो ज' जाबाय। बिरफुंआबो उन्थायाव जिरायनानै सि खोनासंदों। गावबुराया सिखारगोनानै बयनोबो खिन्थादों- राखेब अजाखौ दिनेनि थानाय हराव सोराबा बुथारनानै गालांबाय। बेखौनो मोजां-गात्रि सावरायनो मिथिं लिंनबदों। दायनाय खौ बुथारनायाव मोजां-गात्रि सावरायनंगौनि जेबो गोनांथि गैया। मिथिंखौ फोजोबदो गावबुरा। माखासे सेंग्राफ्रा उनाव थानानै गोखों रावजों बुंहरदों। नाथाय खायसे बुजिनाफ्रा बुंदों-मोजां-गात्रि सावरायनानै लाखानाया गाहाम।

हाब्याय। बिमाखौ बुनो बिमानि न'याव थांगौमोन खोमा नंखायनो थानो एम्ब्रा-एम्ब्रा जाथारदोंमोन बिरफुंआ। नाथाय बिमायं बुरैनि आरो हिन्जावनि बुजाय-आजाय खालामनायाव थानो हायखिसै थाफिनबाय। एसेयावनो हालमाजिआ बिरफुंनि सिदलायाव खावब्ला नुजाफैलायबाय- -मा हालमाजि फं बाइ? बिरफुं आनो हालमाजिखौ नुप्रोमोना सोंदों -मिथिं दंलायलै आदै दा थान्ब्लानो जाबाय। -मानिब्रा आदै? -राखेब अजाखौ दिनेनि थानाय हराव इन्जुर बोफ्लंनानै सोरबा बुथारना गालांबाय। बेनो मिथिंखौ लेंब्रबथारनांबाय आं। बेयाव नोंबो थान्थारनांगौनो आदै? दा ओंखारलांब्लानो जाबाय। बाश्राखौ बुनानै हालमाजिया मिथिं लिंनो हाखु-दाखु गुबुन नख'रथिं ओंखारलांफिनबाय। ..मिथिडवब्ला मा बुंनान्गो जाखो। गथ'नायाथ' बेलेकसो जाबाय। सिखावखौ मोना सादुवासो देथारजाबाय। राखेब अजाया दायनायानो नंमारोमोन बेस्रा। दायनिगिरिआ आइआसोमोन? थैवबो बर'फोरनि खोमसि फोथायनायाव थैनांबाय। बाश्राखौ गोसोयाव सान्नानै नांगौ जायोब्ला जाथायखौ गुदि-बिजौ बुंन होनो सान्नानै हालमाजिआ लिंलांथार नायलाय मिथिडव हाखु-दाखु ओंखारलांनयसै बिरफुंआ। हौवा - हिन्जाव, उन्दै-गेदेर, रायजो-राजाफ्रा बयबो राखेब अजा बुथारजानायनि मिथिंखौ खोनासंनो ज' जाबाय। बिरफुंआबो उन्थायाव जिरायनानै सि खोनासंदों। गावबुराया सिखारगोनानै बयनोबो खिन्थादों- राखेब अजाखौ दिनेनि थानाय हराव सोराबा बुथारनानै गालांबाय। बेखौनो मोजां-गात्रि सावरायनो मिथिं लिंनबदों। दायनाय खौ बुथारनायाव मोजां-गात्रि सावरायनंगौनि जेबो गोनांथि गैया। मिथिंखौ फोजोबदो गावबुरा। माखासे सेंग्राफ्रा उनाव थानानै गोखों रावजों बुंहरदों। नाथाय खायसे बुजिनाफ्रा बुंदों-मोजां-गात्रि सावरायनानै लाखानाया गाहाम।

आथिखालाव जुगाव दायनाखौ फोथायग्रावो दं आरो फोथायैफोरबो दं। उनाव जाथाया उल्थासो जानो हागौ। खायसेबा दायना नंगौ आरो खायसेबा दायनायानो नंश्रामोन बुंनायखौ गोनो-गोथो मोनानै गावबुराया उन्थायाव बिरफुंखौबो मा बुडो खोनासं नायनो सिखारहोबाय। सिबाय बिरफुं आ बुंनो नो गोसो गैलामोन। ओरैनोबा गथ'नाया बेलेकसो जाखाबाय। थैवबो गावबुराया बुंनो खावलायनायाव गावनि हिन्जावनि सोमोन्दै बुंनानै होनो गसंबाय-नंगौ बिरफुंनि मथे गावनि हिन्जाव जन्ना जानायाव राखेब अजानि आखाइ गैलामोन। दड'मोन बिमानिसो। जायखौ डक्टरनि रिपट'निफ्राय फोरमान मोनानै थांफानाय बिमायं बुरैया गुबै बाश्राखौ खिन्थाजोबदोंमोन। बिदिब्ला नोमायं बुरैयाबो मिथिडव दड'ब्ला सिखारनानै बुंहरथों। गावबुराया थांखिनानै हाखु-दाखु खावलायहरबावदों। बुरैयाबो एखे खोथाखौनो सिखारनानै बुंदों-दायनिगिरिआ राखेब अजाया नड गावनि बिमायासोमोन। मानोना जायखि-जाया जाग्रा आदारव मुलिखौ होनायलाय बिरफुंनि हिन्जावआ गोब्राब बेमाराव भुगिनांदोंमोन। जाहोना बिरफुंनि हिन्जावखौ बिहामजोखौनो लानो गोसो गैयामोन। बुरैया खिन्थाहरखानानै गिनायजों हाखु-दाखु जिरायफिन्दों। दानिया बाश्राखौ रायजो-राजाफ्रा खोनानानै गावबोना मिनिनो जाबाय। रागा जोंथावगौना मिनिथावगौ जाबाय। खायसेबा सिगाडाव रागा-रागा जानाया लुवाट'आव संखि होजानानै थन्थनायबायदि सि थन्थनानै थाबाय। आरोबाव खायसेबा मिथिंनिफ्रायनो जोबस्ताबै ओंखारलांबाय। फास'ै'थि गावबुरायाबो मासिखौ बोज'बनानै लाजिनायबो मोनबाय रागाबो जोंबाय। थैवबो गावनि गोसोखौ हमथानानै दुफुं सिखारनानै बुडो-बिनिखायनो रायजो-राजाफोर बेगें गोयै सालायखौ फिदिंब्लानो जाया। थैवबो जा जानानै थांबाय दिनेनिफ्राय गोसोयाव बयबो खोमसि फोथायनायखौ दालासै। लायोब्ला गाबोनबो बे बायदिनो जाबावगोन। बाश्राखौ गोखों रावजों बुंनानै मिथिंखौ एसेयावनो फोजोबदों गावबुराया।

म्यानमाराव सान्थिनि गाग्लोबनायौ गिनानै सुबुंफोरा हाग्रायाव खारखोमाना थाहैदों: इउ एन

निउयर्क, 10 जुन: म्यानमाराव थासारिया गात्रि जालांबाय थारदों। सान्थिफोरा सा 1 लाख सुबुंफोरनि सायाव गाग्लोबनाय जादों, जायनि उनाव गासिबो सुबुंफोरा खारखोमानो गोनं जादों। इउ एन नि बादिब्ला सान्थि खुंथारयनि गाग्लोबनायखौ गिनायजों सुबुंफोरा हाग्राबारीयाव खारखोमानानै थाहैदों, जायनि उनाव बेवहाय जाग्रा-लोग्रा

आदारजों लोगोसे मोब्लिब गोहोनि राहाफोरखौ बोखारनानै होनाय जादों। इउ एननि जरखा म्यानमारनि थान्दै टम अन्ड्युजआ दुइट खालामनानै बुंदोदि कयाह राज्योयाव गोबां सुबुंफोरा उखैहाबनाय आरो बेरामजों मोगा-मोगि जानानो हागौ। एन्ड्युजआ सांग्रांथि होनानै बुंदोदि कयाह राज्योयाव गिबि खेब बे रोखोमनि गाग्लोबनाय जादों, जायनि

जाहोनाव करेन राज्योनि मुद्रानिफ्राय लानानै चीन राज्योयाव मैनडे आरो बाग' सोहोरसिम गोबां सुबुंफोरा न'-बां गैयाय जादों। जरखा बिबानगिरिया बुंदोदि 1 फेब्रुवारीयाव म्यानमाराव खुंथाय सोलायनायनि उननिफ्राय गाग्लोबनायाव गोबां सुबुंफोरनि जिउया गोमादों। जेराव रोजा-रोजा आइजोफोर, हौवाफोर आरो गनफोराबो दंफायो।

करनानि थामथि दोहौखौ खम खालामनो हानायबादि गोख्रौथियारि खालामनांगोन : शिबराज सिं चौहान

भुपाल, 10 जून : हादतआव करनानि नैथि दोहौनि उनाव थामथि दोहौ फेगोनखौ हमादनाय जादों। बेखौ नोजोर होनानै गासैबो राइजोफोरा थियारि खालामदों। आथिखालाव मध्य प्रदेशआव करना इनफेक्सना फुरायैनो जोबनायनि फासै फेगासिनो। भुपाल आरो इन्दरनि अनगावै दर 50 जिल्लाफोराव सप्ताहयारि इनफेक्सननि हारआ 2 जौखोन्दोनि गाहायाव फेदों। इनफेक्सन जानायनि हारै फारिलाइ खालामनायाव मध्य प्रदेशआ 23 थिआव दं। थामथि दोहौआ गोहोम गोगलैनो हायै बायदि थियारिबो खालामनाय जादों आरो बेखौ होबथानायनि



थांखियै टेस्ट नायनायखौ गोख्रैसिनै खालामनांगो होनानै गिबि मन्थि शिबराज सिं चौहानआ करनानि थामथि आरो बेबस्थाफोरखौ नायसनाय समाव बे बाथ्राखौ बुडो। करना इनफेक्सनखौ होबथानो थाखाय

सुबुंफोरनिमि थामहिनबा न' न' थानानै टेस्ट खालाम होनांगो। साफ्रोमबो बेरामिखौ खौरा लानानै फाहामथाय होनांगो। भेक्सिन थुनायानो करनानि रैखाथि राहा। बेखौ नोजोर होनानै भेक्सिन थुनाय अभियानखौ सोलिहोनाय जादों

आरो बेखौ गोख्रौ नोजोर लाखिनायबो जादों। मध्य प्रदेशनि दर 10 जिल्लाफोर आलीराजपुर, भिन्ड, दतिया, डिन्दोरी, गुना, हरदा, मन्डला, शयपुर, सिंर तैली आरो टीकमगड्आव थानाय सानैयाव करनानि गोदान केस मोन्याय जायाखै। आलीराजपुर जिल्लायाव फुरायै करना उदां जाबाय। फासैथि इन्दरआव सा 1,44 भुपालआव सा 104, जबलपुरआव सा 39, उज्जैनआव सा 13, बैतुलआव सा 12 आरो रतलामआव सा 11 बेरामिफोर दं। इन्दर आरो भुपालआव 2 जौखोन्दोनि बांसिन करना केस दं। इन्दरआव 2.1 आरो भुपालाव 2.2 जौखोन्दो दं।

गोदान दिल्ली, 10 जून : थानाय 24 घन्टयाव भारतआव करना इनफेक्सनजौं थैनायनि अन्जिमाया गुबुन हादतफोरनिखुइ बांसिन जादों, जाय अन्जिमाया 24 घन्टयाव आमेरिका आरो ब्राजिलआव थैनाय अन्जिमाखौबो बारलांदों। मिरु सावसि मावख'नि वृहस्पतिबारनि फुं आव फोसावनाय रिपटनि बादिब्ला, 24 घन्टाआव 6 रोजानि बांसिन इनफेक्सन सन्देनाय बेरामिफोरा जिउ गोमायो। अदेबानि सान्जानि राइज्योआ गावआरि देहा फाहामसालिफोराव एबान'आव थानानै थैनायनि अन्जिमाखौ फोसावदों, जायजौं गासै थैनायनि अन्जिमाया गोबां नाय थिसनजादों। बिहारनि



सावसि बिफाना बुधबाराव करनाजौं थैनायफोरनि अन्जिमाखौ गोदानै नायसंफिनानै सा 3400 फोसावदोंमोन, जायखौ सिगांआव 5,444 होनानै फोरमायदोंमोन।

मख'जाथावदि, 12 फेब्रुवारीयाव आमेरिकायाव सानसेयाव सा 5,444 इनफेक्सनजौं थैनाया थिसन जादोंमोन। बेनि सिगां थानाय 21 मेयाव भारतआव सा 4,529 थैदोंमोन, जाय आमेरिका आरो ब्राजिलनि

सानसेयाव थैनाय अन्जिमाखौ बारलांदोंमोन। भारतनि बयनिखुइबो बांसिन करनाजौं गोहोम गोगलैनाय महा नोगोरफोरा मुम्बाइ आरो गोदान दिल्ली, जेराव आथिखालाव थासारिया सोलायनाय फैबाय। मिरु सावसि मावख'नि बादिब्ला, हादतआव 60 सानफोरनि उनाव करना भाइरासनि एक्टिभ केसआ 12 लाखनि खमसिन जादों। थानाय 24 घन्टयाव हादतनाडै गासै 33,79,261 भेक्सिन थुनाय जादों, जायनि उनाव भेक्सिन थुनायनि गासै अन्जिमाया 24, 27,26,693 जाहैयो। भारतआव इनफेक्सननि गासै केसआ 2,91,83,112 जाबाय आरो गासै सा 3,59,673 थैनाय।

कभेक्सिननि गोहोमखौ संदानो थाखाय ब्रैथि ट्रायेल नायनाय जादों



गोदान दिल्ली, 10 जून : करना भाइरासनि बेक्सिन कभेक्सिनखौ जौगाखां होग्रा हाइड्राबानि कम्पानी बाय 'टेकआ बुंदोदि, मुलुगनाडे कभेक्सिननि सुबुंनि देहायाव गोहोम खोखलैनायखौ रोखा मिथिनो थाखाय बेखौ ब्रैथि खोलोबनि नायबिजिरनाय जादों। बेनि आन्दोआव कम्पानीनि थोखिया बेक्सिननि सैरैखाथि, बेनि गोहोम, दिहुथ्याय आरो गुनखौ साबसिन खालामनाय। कम्पानीनि बादिब्ला, बेनि थामथि खोलोबनि ट्रायेलनि फिथाइखौ जुलाइ दानआव राइजोयारि महरै फोसावनानै होनाय जागोन। भारत बाय'टेकनि बादिब्ला, थामथि ट्रायेलनि डाटाखौ बयनिखुइबो सिगांसिनै सिडिएससिअनो हरनाय जागोन। बेनि उनाव बे डाटाखौ एनालाइटिकेल मेगाजिननि थाखाय हरनाय जागोन, जायखौ 3 दाननि गेजेरावनो पाब्लिस खालामनांगोन। बेनि उनावसो क्लिनिकेल टेस्टजौं सोमोन्दो थानाय अन्जिमाफोरखौ राइजोयारि खालामनाय जागोन। बेनि उनाव बे भेक्सिननि लाइसेन्सनि थाखाय आर'ज गाबनाय जागोन। कम्पानीआ बै रिसार्चनि रिपटखौ नेवसिगारदों, जेराव बुंदोंमोनदि, कभेक्सिनजौं रुजुनायाव कभिशिल्डआ बांसिन एन्टिबडि सोमजिखांहोयो। बे रिसार्चखौ करना भाइरास इन्ड्युस्ट्रि एन्टि बडिज टिट्रे (कवेट) आ खालामदोंमोन। थानाय सप्ताहआव नुजाथिनाय बे रिपटनि सायाव भारत बाय'टेकआ फिनजाथाय होदों। बेयो बुंदोंदि, कभेक्सिनखौ कभिशिल्डनिखुइ खमसिन एन्टिबडिज सोमजिखांहोया होननाय रिपटआव गोबां जेना दं। बे रिपटखौ दासिमबो नायबिजिरनाय जायाखै, बेयो बिगियानयारि आरो गोनोखो महरैबो रोखा जानाय मोनसे रिपट नडा।

सासे आइजोआ सा 5 फिसाफोरखौ लानानै ट्रेनआव बारसोमदों



रायपुर, 10 जून : छतिसगड्आव गावखौ जिउ फोजोबनानै लानायनि मोनसे गिखंथाव जाथाया सोराडाव फेदों। बेयाव सासे आइजोआ गावनि सा 5 फिसाजोफोरखौ लानानै खारबाय थानाय ट्रेनआव बारसोमनानै सुइसाइड खालामो। वृहस्पतिबारखालि महासमुन्द

जिल्लायाव बे जाथाया जादों होनानै पुलिसआ फोरमायो। बि आइजो आरो बिनि फिसाजोफोर बेनि सिगां साननि हर्निफ्रायनो गोमानानै दडमोन आरो बृहस्पतिबारखालि रेलवे ट्रेकआव बिसोरखौ मोनो। महासमुन्दनि एडिसनेल सुपारिन्टेन्डेन्ट मेघा तेभुरकर साहुआ खौराडाव

गिबियै सानै आइजो बिबानगिरिया दावहार उरां जाहाज बिरहोनायनि थाखाय सायख'जायो

गोदान दिल्ली, 10 जून : मोनसे जारिमिनारि महरै सान्थिया गावनि सानै आइजो बिबानगिरिफोरखौ उरां जाहाज विंगनि थाखाय दावहारु हेलिकप्टर पाइलट महरै ट्रेनि होनो सायख'दों। सान्थिनि गाहाय जेनेरेल एमएम नरवणेनि गेजेरजौं आइजोफोरखौ पाइलट महरै थिसन्यायनि बिथांखिखौ गनायथि होनायनि 6 दाननि उनाव बे सायख'नायखौ फोसावनाय जायो। मख'जाथावदि सान्थिनि उरां जाहाज विंगआव दासिमाव आइजोफोरखौ खालि एयार ट्रेफिक कन्ट्रोल आरो ग्राउन्ड डिउटिनिल' गनायथि दंमोन। बिबानगिरिफोरा फोरमायोदि सायख'जानाय सानै आइजो बिबानगिरिफोरखौ महारास्ट्रनि नासिकआव थानाय कम्बेट आर्म्स एक्सन ट्रेनि स्कुलाव ट्रेनि होनाय जागोन। बियो फोरमायबावोदि गासै सा 15 आइजो बिबानगिरिफोरा सान्थिनि उरां जाहाज विंगआव बाहागो लानो गोसो जानायखौ फोरमायदोंमोन। नाथाय गोख्रौ सायख'नाय हाबाफारियाव सानैल' बिबानगिरियाल' जाफुसारनो हायो। ट्रेनिआ फुरा जानायनि उनाव बिसोर सानै आइजो बिबानगिरिफोरखौ फेगौ बोसोरनि जुलाइ दानाव फलाइ डिउटि खालामनो



हागोन। मख'जाथावदि, 2018 आव भारतीय अखामा सान्थिनि फलाइ अफिसार अबनी चतुर्वेदीया हारसिडेनो दावहार उरां जाहाजखौ उरायनानै

जारिमिन सोरजि दोंमोन। बियो दावहार उरां जाहाज उरायहोग्रा गिबि भारतीय आइजो। बियो गिबियै मिग-21 बाइसनआव उरां जाहाजखौ बिरहोयो।

मुम्बाइजौं लोगोसे माखासे ओन्सोलाव अखा हागोननि सांग्रांथि होदों

गोदान दिल्ली, 10 जून : राजथावनि दिल्लीयाव थानाय 2-3 साननिफ्रायनो गोबां गरम जानायाव सुबुफोरा जेनाजौं मोगा-मोगि जानांदों। दिल्लीनि सुबुफोरा सुक्रबारसिम बे गरमनिफ्राय रिहाय मोन्याय नडा। रिपटनि बादिब्ला, 11-12 जूननिफ्राय बोथोरा सोलायनो हागौ। मुम्बाइयाव सौफेनायनि उनाव मौसुमि बोथोरा लासै लासै गुबुन राइज्योफोरावबो गोसार हैदों। दिनैबो मुम्बाइजौं लोगोसे माखासे ओन्सोलाव गोबां अखा हानायनि सांग्रांथि होदों। रिपटनि बादिब्ला, मुम्बाइनि सान्ताक्रुजआव 227.1 मि:मि: आरो कलाबायाव 83.4 मि:मि: नि अखा हानायखौ रेकर्ड खालामनाय जादों। उत्तर प्रदेशनि बोथोराबो दिनैनिफ्राय सोलायबाय। 12 जुनाव हादतनि माखासे बाहागोआव अखा हानो हागौ। बोथोर बिफाना सोनाब बंगनि लैथोमायाव 11 जुनायाव खम नासिन्याय जानायखौ फोरमायदों। बेनि गोहोम गोलैनायखौ मौसुमि बोथोराव नुनो मोनगोन। बोथोर बिफाननि बादिब्ला, 11 जुनायाव मौसुमि बोथोरा महारास्ट्रनि आद्रा बाहागोजौं लोगोसे तेलेंगाना आरो अन्ध्र प्रदेशयाव सौहैबाय।



बेनि अनगावै 11-12 जूननि गेजेराव उरिष्ठा, सोनाब बंग, छत्तीसगड्, झारखान्ड, बिहार, सान्जा उत्तर प्रदेश, मध्य प्रदेशनि

माखासे बाहागो आरो गुजरातयाव मौसुमि बोथोरा सौहैनो हागौ। आरब लैथोमाजौं लोगोसेनो सोनाब बंगनि बंगप

लैथोमायाव बोथोर सोलायनायनि जाहोनाव मध्य प्रदेशयाव मौसुमि बोथोर सौहैनाया जागायजेनबाय।

सिबिआइआ नवाम तुकी आरो बिनि फंबाइ नवाम दैगमनि हेंथायै केस थिसन्दोंमोन। बिबोरनि सायाव दाय जाबसिनदोंमोनदि, तुकीआ 2003 आव नेमखाथिफोरखौ फालिया लासे जेना गोनाडे मुलाम्फानि थाखाय गावनि फंबायनो 3.20 कौटि रानि सरकारि बिथांखिखौ मोनहोदोंमोन। 2017 आव सिबिआइआ तुकीनि हेंथायै दाय जाबसिनयाखौ नायबिजिरनो थाखाय मोनसे नायबिजिरनायखौ जागायजेन्दोंमोन। दाय जाबसिन्याय बायदिब्ला बियो 2005 आव मन्थिनि मासियाव थानाय समाव गावनि नख'रनि सुबुंफोरा आरो सोमोन्दो गोनां सुबुंफोरजौं सुबुंथि महरै मुलाम्फा होनो थाखाय गासै 11 सरकारि कन्ट्रैक्टखौ होदोंमोन। तुकीआ नभेम्बर 2011 निफ्राय जानुवारी 2016 सिम अरुणाचल प्रदेशनि गिबि मन्थि जाखांबाय।

खेला हबे स्लगानखौ सोनाब बंग सरकारआ यजनानि मुं होबाय

कलकाता, 10 जून : सोनाब बंगआव बिसायख'थिया जोबनानै थानाय, नाथाय खेला हबेआ सोलिबाय थागोन। सोनाब बंगआव जैरेबादि खेला हबे स्लगानजौं थासारिखौ गावनि थाखाय दानो हादों, आथिखालाव ममता बेनार्जीनि सरकारआ खेला हबे स्लगानखौ मोनसे यजनानि मुं होबाय। सोनाब बंगनि गिबि मन्थि ममता बेनार्जीआ राइज्योआव गेलेनायखौ जौगाहोना थाखाय खेला हबे मुंजौं सरकारि यजना फोसावबाय, जायनि गेजेरजौं रेजिस्टार जानाय कलाबफोरनो फुटबल होनाय जागोन। सरकारनि बिथोन बादिबेब्ला, खेला हबे यजनानि गेजेरजौं राइज्योआव स्पर्टस एकटीवीटी आरो फुटबल गेलेनायनि थाखाय लाइमोनफोर आरो फरायसाफोरखौ थुलुंगा होनायनि थांखिजौं रेजिस्टार जानाय कलाबफोरनो फुटबल होनायनि थांखि लानाय जादों। जुलाइ दाननि गिबि सप्ताहनिफ्राय गासै रेजिस्टार जानाय

कलाबफोरनो फुटबल होनाय जासिगोन। सरकारनि बिथोनलाइयाव फोरमायनाय बादिब्ला, सरकारनो बे यजनानि थाखाय रिफिउजि हेन्डिक्रेफ्ट कम्पानीआ फुटबल साप्लाइ खालामगोन। माबे कलाबनो बेसेबां फुटबल हरनाय जागोन, मा बादिदै रान्याय जागोन आरो बिजौनो सोमोन्दो थानाय गोबां बाथ्राफोरनि सोमोन्दै थाबैनो फोसावगोन। सोनाब बंगनि गासै जिल्ला इयुथ अफिसारफोरनिमि राइज्योनि उक्रा सेक्रेटारि उत्तम कुमार पात्रनिफ्राय लिरनाय लाइआमाव 28 जूनसिमनि गेजेराव फुटबल रानो थाखाय ब्लक लेबेलआव गासै रेजिस्टार कलाबनि खौरां हरनो फोरमायनाय दडा। मख'नो गोनांदि, बिसायख'थि फोसावदिनाय समाव गिबि मन्थि बेनार्जीआ राइज्यो सरकारनिफ्राय कलाबफोरनिमि जय ब्रेन्डनि थोब 50,000 फुटबल रानानै होगोननि बाथ्रा फोरमायदोंमोन।

खैरोम-दैरोम

मिथिसार ब्रह्म

बड'लेण्डनि उथुमाइ
 सोखो-मोखो कक्राझर
 मेट्रिक रिजाल्टनि उथिसारनाय
 जौखोन्दो हारआ माथो खमथार ?
 आन्जाद होग्राफोरसो ना खमखा जाखो ?
 ना लेखा-फरायावसो गैखाला जाखो ?
 सोर सोंगोन-बेनि जाहोननि गुमुर ?
 सोर रुजुना लागोन-हायनाय माननि
 दाहा बिदांनि गेदेर थफला ?
 राजखान्थिआसो मन 'प्लाबखोना
 NRC नि फाखनावसो बुसोमजाखो ?
 बुं बुं गेदेमाफोर बुं
 बिखा फोरदाना बुं
 दायनिगिरिया.....
 फरायसा.....दिथागिरि ?
 फोरैगिरि.....समाज ?
 बिटिस सरकार...आसाम सरकार ?
 ना फरायसा आफाद..... ?
 चिरनि मानिनां SI
 गोसारखोदों सानफ्रोमबो बिथानि मेसेज,
 नांथाब-नाजानि थार फिथाइ
 मोनफुंहादों दिने जाफुंसारनाय!
 हाबाब बुं बुं गेदेमाफोर,
 मानिथो बिब्दि कक्राझरआवलाय ?

जखायसे लिमारिक

(से)
 लोंदों आरो लोंदों गिसि- गोरान
 दाखालिबो, मैयाबो, दिनैबो लोंदों आरो गाबोन..... ?
 गोबां तेनसन दंनो जौना आदाया
 बेनो बिनि जौ लौनायनि थांखिया,
 जौ लौब्लानो तेनस'ना जोबना फैगोन ने ?
 (ने)
 नैबे गोदान मुगानि सेंग्रा माखाफोर
 गोसो थोयो बिसोर खालि गुफुर- गुफुर सिख्लाफोर,
 बेनिखायनो देलायो जौं गुफुर जागौबा
 मोजां- मोजां सेंग्राफोरजों गोसो थोजागौबा,
 गुफुरखौल' मानो मोजां मोनो बिसोर..... ?
 (थाम)
 बे कलेजनि आं मिस बिउति
 सेंग्राफ्रा आंजों मानो थाबायो खाथि-खाथि ?
 धोन दौलतजों बुंफबनाय नखर नडब्ला
 अजय, आमिर खान मोनबायदि महरगोसा सेंग्रा नडब्ला,
 हाबाखौनो लाथा आं सयथि..... ।

मुस्रि पवित्र मोसाहारी

जिउनि बुब्लियाव

बे जिउ दानो दं दानो गैया
 गोसोम-गुफुर गाबनि साया
 माबोला रंगिना-संगिना सिमां
 माबोला गिथाव बारहुंखा ।
 मिथिस' हाया हमदों मोना
 बेनो नामा सोरजनि फाव
 हनथानि बारहुंखाया
 बिरबायनानै आं सानसे
 अन्नायनि लामाखौबो
 फोरमाय नांवाय बुजि मोने जाहोनाव
 बेसेबा गुवार लैथोआव
 बुसोम जानांवाय दैन दाहाराव ।
 सोरनि अन्नायजों रंजानो
 सोरनि दुखुजों गाबफानो
 मिथि मोना बे मुलुगाव
 संसारनि माया गेलैनायाव
 सोरनि गेले होनायाव जानांखो
 दिने आलाय-सिलाय
 नोंजों आंजों सेरखाय-बेरखाय
 जाय दुखुखौं आं सानसे
 अराय सहाय नांवाय,
 थाबाय बियो दिने
 मुलुगानि आन्दोआव
 जिउनि बे बुब्लियाव ।
 आय ! जाय जारिमिन आंनि
 अराय थाना थानायनि
 इयुन जिउनि थांखि ।
 गोरोन्थिआ सोरनि
 मिथि मोना रावबो
 खैफोतआ मानि ?
 जायखो गोसो खाडो जेबोला
 सावन-भाद्रनि दुंनाय थिं-थिं
 सानदुं आवबो गोजांफिर मोनो
 अब्लानो आं सुगलायो ।
 गोसो आंनि जेब्लायबो हास्थायो ।

थरायना जयमा राणी ब्रह्म
 बिल्ला: कक्राझर ।

रंजालि गथ' फोरनि सौरा

नों रजेखौ

गोमोथाव नॉनि महरा रजे--
 जेबोला नोंखौ नुयो जेराव-मेराव
 जेबोला नॉनि राव खोनायो दाव दिंखुर बायदि
 जेबोला नॉनि राव खोनायो दाव मैनानि गारां
 अबोला आंखौनो आं बावगोमा फ्लाडो ।
 आंखौनो आं बावगोमा फ्लाडो !
 मोनाय मोनब्ला नॉनि अन्नाय,
 आजावनाय मोनब्ला आंनि अन्नाय ।
 हाबाब मादि माया गोनां नॉनि महरा ?
 बे नॉनि समयना सोलेर महरानो
 आंनि बोदोर गोसो सोलेराव
 सिखिरि जानानै बिरफाबाय थायोनो रजे--
 आंनि जिउ सोलेरनि सेर-सेर ।
 आंनि बोदोर जावलिआ गोसोआ
 नोंखौल' मोनो हास्थायसै रजे
 मा राहाजों मोनगोन इसिबां गोमोथाव
 महर गोनां नों रजेखौ ॥

मुस्रि सोर खुंगुर बर'
 ला:सो: चन्द्रपारा, कक्राझर ।

सैया-सैया खालामो अनजालुआ आंखौ

नै अनजालु नों आंखौ
 गोजाननिफ्राय नुब्लानो,
 मानो एरा-एरा खालामो लाडो ?
 मानिबा गोरोन्थि बुंफ्लादों नामा आंलाय ?
 ना माबाफोर दाय मावफ्लादों नामा ?
 दिने नों आंखौ गारनानै,
 गुबुनखौ लानो सान्दों नामा ?
 बिदिब्ला नों मानो आगोलाव
 आंखौ मोजां मोनामोन ?
 दाना मानो सैया-सैया खालामखो ?
 सानदोंमोन नामा नों आंखौ सान्दोंसोनि,
 थाखायल' मोजां मोनफ्लानो,
 आंखौ फारिलसो खालामोनो सान्दोंमोन नामा
 नोंलाय अनजालु ?
 आं नोंखौ धेनानै थांब्लाबो नॉनि,
 महरखौ बावनो हानाय नड ।
 आंनि थायनै मेगनाव नॉनि,
 महरा जेब्लाबो साया-माया गेले फेबाय थागोन अनजालु ।
 दाखालामसै नों आंखौ सैया-सैया ।

मुस्रिमा सबानि नार्जारी
 कक्राझर ।

गियाननि फुंखा

सौनाय:-

1. अस्ट्रेलियाआव रांखौ मा बुडो ?
2. ब्राजिलयाव रांखौ मा बुडो ?
3. नेदारलेण्डयाव रांखौ मा बुडो ?
4. डेनमार्कयाव रांखौ मा बुडो ?
5. फ्रान्सयाव रांखौ मा होनो ?
6. जार्मानियाव रांखौ मा बुडो ?
7. P.o नि फुल फर्मया मा ?
8. P.T.O. नि आबुं मुड मा ?
9. P.W.D. नि आबुं मुड मा ?
10. S.P. नि आबुं मुड मा ?
11. M.B.B.S.नि फुल फर्मया मा ?

फिनाय:-

1. सिलिं । 2. क्रुजेर । 3. कपि । 4. क्रन । 5. फ्रंक । 6. मार्क
7. Post office. 8. Please Turn over. 9. public works Department. 10. superintendent of police. 11. Doctor fo Medicine Doctor of Sunary

मुस्रि फुंखा नार्जारी

सोर नों ?

सोर नों हायनारि
 बिखाया बेसेबा फिसा
 गोबानो सानो संसारखौ;
 जिउआ आंनि उन्दै
 बिलिरनो सानो मुलुगखौ ।
 गोसोआ आंनि,
 आनदायबाय आं बे संसाराव;
 आंहा गोसोआव बबेनिबा रादाब फेदों
 रंगिना गाबजों बाचल' बायदों
 फिथिखा लुफावनाय सेंग्रा समाव ।
 जोबनो गैयै गोसोनि हास्थाइनाय
 जिउनि आंग्रिनायाव,
 जोबनो रोडै गाबजों
 मा मैया दिन्थियो नों ?
 अननाय गिरि ।
 बेनो आंनि गोसो ।

मस्रि समबारु दैमारी

1 बिलाइनिफ्राय

1 बिलाइनिफ्राय

गिबि मन्थिनि गथ 'सा सिबिथाय बिथांखिखौ बेखेवजेनवाय गिबि मन्थि ड० शर्माया

मुझव राज्यो सरकारा बँकआव 7,81,200 रांखौ जमा खालामगोन । बे जमा दोन्नाय रानिफ्राय मुलाम्फागिरिया 24 बोसोर बैसो जायागौमानि दानप्रोमबो 3500 रानि रांखान्थियायि अनसुंथाय मोननो हागोन । मुलाम्फागिरिया 24 बोसोर बैसो जाहैब्ला बे जमा दोनथुमनाय रांखौ साफ्रोमबो मुलाम्फागिरिया गावबा गावनि एकाउन्टआव सोनो हागोन । मिरु सरकारनि खुंथाया 7 बोसोर आबुं जानायाव थानाय 29 मेखालि गिबि मन्थि ड० शर्माया बे बिथांखिखौ फोसावदोंमोन आरो बे फोसावथाय होनायनि 10 साननि गेजेरावनो दिने बे बिथांखिनि सिडाव मुलाम्फागिरिफोरनिमिस रांखान्थियायि अनसुंथाय गथायनानै होनाय जायो । बे बिथांखिनि सिडाव राज्यो सराकारा मिरु सरकारनि 2000 कौटि रानि अनसुंथायजों साफ्रोमबो गथ 'नो 3500 राडै दानफ्रोमबो अनसुंथाय होगोन । रावबो दिथागिरि गैजायै 10 बोसोरनि दुइसिन गथ' आरो हिन्जावसा गथ 'नि बिथिडाव राज्यो सरकारा बे गथ 'फोरखौ जायथिजाया गथ 'सा सिबिथाय फसंथानाव थिसनहैनाय जागोन आरो बिसोरनि सोलौंथायनि खरसाजों लोगोसे गुबुन खरसाफोरखौबो सरकारा खालामगोन । बे बिथांखिनि सिडाव सरकारा जुलिनि समावबो रांखान्थियायि अनसुंथाय गथायगोन । बिथांखिनि सिडाव साफ्रोमबो हिन्जावसानो जुलिनि समाव अरुन्थती बिथांखिनि गेजेरजों से टला स 'नाजों लोगोसे 50 रोजां रानि रांखान्थियायि अनसुंथाय गथायनाय जागोन होन्नानै गिबि मन्थि ड० हिमन्त विरव शर्माया बुडो । गुबुन फासैथिं कभिडआव गावनि फिसायखौ खोमाना लानांनय रान्दि आइजोफोरनि थाखाय गिबि मन्थि ड० शर्माया गुबुन मोनसे बिथांखिनि बाथाखौ दिने फोसावनानै होयो । बे बिथांखिनि सिडाव राज्यो सरकारा कभिडआव साग्लोबजानानै फिसाय थैजानाय साफ्रोमबो रान्दि आइजोफोरनो खेबसेयैनो 2.5 लाख राडै गिबि मन्थि अनसुंथाय फान्डनिफ्राय होनाय जागोन । बेनि अनगायैबो रान्दि आइजोफोरा आरुनदय बिथांखिनि खाबु आरो इन्दिरा मिरि रान्दि पेन्सन बिथांखिनि सिडाव रान्दि पेन्सन मोननो हागोन होन्नानै गिबि मन्थिया फोसावो ।

गिबि मन्थि शर्माआ सरुसजायाव मोन 300 बिसिनानि कभिड केयार देहा फाहामसालि बेखेवदों

बेखेवदों । आसाम सरकारआ भारत सरकारनि डि आर डि अ बिफानजों लोगो नानानै बे कभिड केयार देहा फाहामसालिखौ 21.46 कौटि रं बाहायनानै 30 साननि गेजेराव आबुडै लुफुदों । बे देहा फाहामसालिखौ लुफुनायाव अवेल इन्डिया लिमिटेड आरो आइ सि आइ सि आइ बँकआबो फारियै 2 कौटि आरो 1.5 कौटि रांखान्थि अन्सुंथाय होदों । बेजों लोगोसेनो गिबि मन्थि शर्माआ दिने जि एम सि एइचनि मोनसे बाहागो महरै कालापारआव कभिड केयार देहा फाहामसालियाव मोन 20 बिसिना आइ सि इउ आरो मोन 32 अक्सिजेन सापटेटड बिसिनाखौबो बेखेवदों । कभिड केयार देहा फाहामसालि बेखेवनाय हाबाफारियाव गिबि मन्थि शर्माआ गावनि बिबुंथि लाखिनाय समाव बुंदोंदि, गोदानै बेखेवनाय बे देहा फाहामसालिया कभिड-19 नि हेंथायै दावहा नांनयाव थोजासे हेफाजाब होगोन । बेनि थाखाय डि आर डि अनिसिम साबायखर जासियो । बे बिथांखि एबा देहा फाहामसालिखौ बाडइ साननि गेजेरावनो आबुडै मावफुंनानै बेखेवनो मोन्नाया जॉनि राइज्योनि थाखाय जोबोद गोजोन्थाव । मिरु आरो राइज्यो सरकारजों लोगो नानानै आसामआव कभिड-19 नि हेंथायै जुजिनयनि थाखाय बेयो मोनसे राइज्योनि सुबुंफोरनि थाखाय मोजां लोक्षोन । बिथाडा फोरमायबावनाय बायदिब्ला, सिगानि रुजुनायाव आसामआव दासान्दि कभिड-19 नि सन्देरनाय हारा लान्थियै बाडइ जाबोगासिनो थादों आरो मोजांसिन थासारियाव फेगासिनो थादों । फेबाय थानाय सम्फोराव आसाम सरकारा कभिड-19 नि हेंथायै जुजिनयनि थाखाय नांगौ रोखोमनि राहाखौ लालांवाय थागोन । थानाय 30 सानफोरनि गेजेराव आसाम सरकारा मेडिकेल फसंथानफोराव गासै मोन 465 आइ सि इउ बिसिना, 2684 अक्सिजेन सापटेटड बिसिनाखौ जगायनाय जादों । बेजों लोगोसेनो राइज्योनि दरफ्रोमबो जिल्लयाव खमैबो मोन 15 आइ सि इउ बिसिना जगायनायनि खामानियाबो गोखैयै सोलिगासिनो दं होन्नानै राइज्योयाव भेक्सिन होनायनि बागैबो बिथाडा बुडेंदि, आसामआव फेगौ 21 जुननिफ्राय साफ्रोमबो सुबुंफोरनो बेसेन लायाजासे करना भेक्सिन जगायनानै होनो थांखि लादों होन्नानैबो फोरमायथिबावदों । दिनेनि बे हाबाफारियाव गिबि मन्थिजों लोगोसे देहा बिफाननि मन्थि केशव महन्त, डि आर डि अनि मावफुं बिथोनगिरि ड० हानुमान्त राव, चिफ सेक्रेटारि जिणु बरुवा, कामरुप मेट्र जिल्ला बेंगिरि बिश्वजित पेगुमोनजों लोगोसे गुबुन गोबां गोजौ थाखोनि मावखगिरिफोराबो बाहागो लादोंमोन ।

खारौ खान्दाय बिबार

आं हर गेजेरनि बारसे समयना बिबार मुंखौ बुडो बयबो आंखौ खारौ खान्दाय हरावनो थुफियो, हरावनो बारो आरो हरावनो सिरिफिनो । अनसाया आरो लुबैया रावबो आंखौ खोनासडो आंनि जिउनि जारिमिन, सान अखांनि सान राजाजों नेवसि जानाय आंदि बारसे समयना बिबार । नाथाय मिथिगौ दानखोमिस हरनि फुर्णिमा अखाफोर गावदंआ आंनि हारिंडे गाननाय आरो मिन फिनायखौ हामानि खन्थाय लिरनाय, दाहानि सल' लिरनायखौ बियो बुरखायो अनसायनायजों आंखौ फुंबिलि जारां सानजों रंजानो फागुन दाननि सुदेम बारजों मोसागलांनो नाथाय हायाखिसै आं निन्दा आरो मुं सुनायनि बे सोमखे मोखांखौ लानानै गावदं अखाफोरनि बोसोनखौ लाखिनो ।

मिस बनमि नार्जारी



रायमना माहारियारि हाग्रामाखौं बेखेवनानै होबाय आसामनि हाग्रा बिफाननि मन्थ्रि परिमल सुक्लबायद्यआ

बेखेवबाय । कक्राझार जिल्लानि गसाइगाव महकुमानि सिडव थानाय कचुगावनि साखाथि नबि नगरआव मोनसे मेहेरगोनां हाबाफारि खुंनारयनि गेजेरजों बि टि आरनि गाहाय खुंगिरि प्रमद बर'नि नुजाथिनायाव आसामनि आबहावा आरो हाग्रा बिफाननि मन्थ्रि परिमल सुक्लबायद्यआ बेखेवनानै होयो । गोदानै बेखेवनाय बे रायमना माहारियारि हाग्रामाया आसामनि 6 थि नसेनेल पार्क महर मोनबाय । गोदानै बेखेवनाय बे रायमना नसेनेल पार्कआ कक्राझार जिल्लानि कचुगाव फरेस्ट डिभिजननि सिडव गोग्लेनाय 422 स्कुवार कि:मि: गुवार हाग्रा ओन्सोलखौं कभार खालामगोन । लोगोसे बे नसेनेल पार्कआ भुटान हाजोर्जों सिमासे आरो सोनाब फारसे सोनाब बंग' रइज्योनि सिमाजों नांजाबनाय । बुब्लियावनो बे पार्कखौं बेखेवखानायनि उनाव मन्थ्रि सुक्लबायद्यआ खौरंगिरिफोरनि सिगाडव रायमना नसेनेल पार्कआ टुरिजिम सेक्टरनि थाखाय गोसो बोनो हाथाव जागोन होनानै फोरमायो । लोगोसे बे ओन्सोलनि हाग्रा, बिफां-लाइफां आरो जिब-जुनातफोर रैखाथियै थानो हागोन । फैबाय थानाय समफोरव रायमना नसेनेल पार्कखौं जौगाखां होनायाव नोगोरारिफोर हेफाजाब होफैनांगोन । सरकारनि फारसेनिफ्राय बे रायमना नसेनेल पार्कखौं रइज्योनि गेजेराव मोनसे जौगाखां नसेनेल पार्क महरै दाफुनायाव नांगौ रोखोमनि हाबाफारि लागोन । बे हाबाफारियावनो मन्थ्रि परिमल सुक्लबायद्यआ रायमना हाग्रामाखौं माहारियारि पार्क महरै फोसाव बिलाइखौंबो सरकारि महरै आसाम सरकारनिफ्राय बि टि सि खुंगिरि प्रमद बर'नो गथायनानै होयो । दिनैनि बे रायमना नसेनेल पार्क बेखेवनाय बुब्लियाव आसामनि मन्थ्रि परिमल सुक्लबायद्य आरो बि टि आरनि गाहाय खुंगिरि प्रमद बर'जों लोगोसे बि टि आरनि लेडइ गाहाय खुंगिरि गबिन्द चन्द्र बसुमतारि, हाग्रा बिफाननि मावकुं सोद्रोमा रन्जत बसुमतारि, मावकुं सोद्रोमा रेवेवा नाजिहारि, एम एल ए लरेन्स इस्लारि, एम सि एल ए उइल्सन हासदा, कक्राझार जिल्ला बेंगिरि आरो हाग्रा बिफाननि गोबां मावख'गिरिफोर आरो मावफारियाफोरबो बाहागो लादोंमोन ।

चिरांनि रुनिखातायाव सासे फरायसाया मबाइल बाहायनो मोनैनि थाखाय जिउ फोजोबना लादों

बिजोंखौं गात्रि खामानियाव बाहायनानै गोबां ख'हा जानायनि गोबां बिदिन्थिफोरखौंबो नुनो मोनबोदों । आथिखालाव उन्दै समनिफ्रायनो गथ'साफोरनि मबाइल बाहायनाया मोनसे हुदा आरो निसा बायदिसो जालानों हमदों । नाथाय मबाइलखौं मोजां खामानियाव बाहायदों ना गात्रि खामानियाव बाहायदों बेनि सायाव बिसार गैया । मबाइल बाहायनारयनि निसाजों बेबायदिनो मोनसे गेदेर खेफोदयाव गोप्लेदों सासे फरायसा गथ'या । मबाइल बाहायनो मोनैनि थाखायनो गावनि जिउखौं फोजोबना लानानै नख'रनि बिमा-बिफानि सिमांखौं थेर-बेथेर खालामलादों सासे गथ'साया । चिरां जिल्लानि रुनिखाता ओन्सोलनि सासे 10 थाखोनि फरायसुलाया मबाइल बाहायनो मोनै एबा मबाइलयाव गेम गेलेनो मोनैनि थाखाय गावनि जिउखौं अबथिरयै फोजोबना लादों । रुनिखाता पुलिस थानानि सिडव थानाय मेरेमबारि गामिनि थागिबि लक्षेवर बसुमतारि आरो तेंगालि बसुमतारिनि फिसाज्ला बुलुंबुथुर बसुमतारि (17) आ थानाय बुधवार मोनाबिलि समाव गावनि बिमानि दख'नाजों दौलें लागयना जिउ फोजोबना लानानै बिमा-बिफानि मेगनाव मोदेनि बाना आरो दाहायाव खोख्लैलादों । जिउ फोजोबना लानाय फरायसानि बिमाया फोरमायनाय बायदिब्ला बे गथ'साया सिगाडव बिफानि मबाइलखौं बाहायोमोन । नाथाय माखासे सान सिगां बिफानि मबाइलआ गोप्लेनानै गात्रि जानायलाय लकडाउन हिसाबै बानायनो हास्लाबैयाव मबाइलनि निसा जानानै थानाय फिसाज्लाया मबाइल बाहायनो मोनैनि थाखाय सान्नो हास्लाबैयाव गावनि जिउखौं फोजोबना लादों ।

रायमना हाग्राखौं नसेनेल पार्क महरै बेखेवनायखौं कक्राझार जिल्ला दुलाराय बर' फरायसा आफादआ गोजोनाय फोरमायदों

माहारियारि हाग्रामाखौं 10 जुन, 2021 खालार खालि आसामनि आबहावा आरो हाग्रा बिफाननि मन्थ्रि परिमल सुक्लबायद्यआ बि टि आरनि गाहाय मावकुं सोद्रोमा प्रमद बर', लेडइ गाहाय मावकुं सोद्रोमा गबिन्द चन्द्र बसुमतारि, हाग्रा बिफाननि मावकुं सोद्रोमा रन्जत बसुमतारि, सान्जा कक्राझार बियाबनि एम एल ए लरेन्स इस्लारि, बि टि आरनि गुबुन गुबुन मावकुं सोद्रोमा आरो एम सि एल ए, लोगोसे बि टि आरनि गोरयुंजों लोगोसे दुलाराय बर' फरायसा आफाद आरो आबहावा आरो हाग्रा बिफाननि गुबुन गुबुन मावकुं सोद्रोमा, ओन्सोलनि गोबां मेलेमजिबि आरो रइजो-रजाफोरनि नुजाथिनायाव बेखेवनानै होफेनाय आरो बि टि आरनि गाहाय मावकुं सोद्रोमानि आखायाव बि टि आर खुंथायनो गथायनानै होफेनायखौं कक्राझार जिल्ला दुलाराय बर' फरायसा आफादआ गोजोनायजों बरायदों । लोगोसे गोदानै बे माहारियारि हाग्रामाखौं फोसावनानै आरो गथायनानै होनायनि थाखाय आसामनि गिबि मन्थ्रि ड० हिमन्त बिश्व शर्मा आरो आबहावा आरो हाग्रा बिफाननि मन्थ्रि परिमल सुक्लबायद्यमोनिसिम कक्राझार जिल्ला दुलाराय बर' फरायसा आफादनिफ्राय गांसे रादाब बिबुंसारनि गेजेरजों साबायखर बाउहरदों ।

बाक्सयाया सासे उन्दै बैसोनि बेंगुरा हिन्जावसाखौं जिनाहारि खालामदों

पुलिस थानानि सिडव थानाय गधुलिगावनि अजा सुरेन मदाहि (45)या गोलाव समनिफ्राय थाबिज, जारिनाय मुलि, मोन्थोरजों गुबुन गुबुन बेरमफोरखौं फाहामबोदोंमोन बेनि गेजेरावनो अजाया न'आव रावबो गैथैनि खाबु लानानै नसुंसेनि उन्दै बैसोनि बेंगुरा हिन्जावसा गथ'खौं थानाय दान मोनब्रै सिमानिफ्रायनो गोबां खेब जिनाहारि खामाबोदोंमोन । उनाव गथ'नानि देहायाव हरखाबै सोलायनायखौं नुनानै गथ'सानि बिमाया हिन्जावसानाव सानायाव सुरेन मदाहिया बनि सायाव खालामबोनाय गात्रि जाथायफोरनि सायाव फोरमायथिनानै होयो । गासैबो बात्राखौं मिथिनारयनि उनाव हिन्जावसानि बिमाया थानाय 7 जुनखालि शिमला पुलिस थानायाव जाथायनि हेंथायै मोनसे केस थिसन हैयो । शिमला पुलिसआ केसनि बिथायाव बे सानखालिनो मोनाबिलि समाव जाथायनि दारयनिगिरिखौं न'निफ्राय हमो । गुबुन फार्सेथिं 8 जुनखालि गथ'सानि देहानि आन्जाद खालामनानै 9 जुनखालि जिल्ला सत्र बिजिरिगिरिनि बिजिरिसालियाव हिन्जावसाखौं हाजिर खालामो । बेनि गेजेरावनो दारयनिगिरिखौं बिजिरिसालियाव हाजिर खालामनारयनि उनाव जोबथेसालियाव दैथायहरो । दिनै बे जाथायजों भुगिनांनय बेंगुरा हिन्जावसानि बिमाया खौरंगिरिनि सिगाडव फोरमायनाय बादिब्ला दारयनिगिरि सुरेन मदाहीया जारिनाय मुलनि गेजेरजों दबथायनानै बे ओन्सोलनि उन्दै गथ'सा, लाइमोनफोरखौं गात्रि कोथा, गात्रि इसारा, आथोनारि गाग्लोबनो नाजानानै मोनसे गिखानाय थासारि सोमजिहोदोंमोन । दारयनिगिरिया सासे 8 थाखोयाव फरायनाय फरायसुलिखौंबो गोलाव समनिफ्रायनो गात्रि इसारा होबोदोंमोन आरो गुबुन गुबुन रोखोमनि लभ दिन्थिनानै हारसिडै थानाय समाव गोबां खेब जिनाहारि खालामदोंमोन । हिन्जावसानि बिमा-बिफाया गुबुननि न'आव हाजिरा-मुजिरा मावनानै बेलासि समाव न'आव गिदिंबोफिन्नायनि खाबुखौं लानानै लम्पट अजा सुरेन मदाहीया उन्दै बैसोनि बेंगुरा हिन्जावसाखौं जिनाहारि खालामबोदोंमोन । गुबुन फार्सेथिं सुरेन मदाहीखौं पुलिसआ हमनारयनि उनाव नखरा थिसन्नाय केसखौं बोखारना लाफिनोब्ला 50 रोजा रांबो होगोन होनानै बुंदोंमोन होनानै फोरमायो । दारयनिगिरि सुरेन मदाहीया जाहाते रांनि गोहोर्जों जोबथेसालिनिफ्राय बारग'बोनो हाया बेनि थाखाय गोखों राहा लानोबो भुगिनांनय हिन्जावसानि बिमाया पुलिसनििसिम दाबि दैखाडो । लोगोसे बाक्सा जिल्ला गथ'सा रैाथि बिबानगिरिखौं बे बिथिडाव राहा लानानै बेंगुरा गथ'सानो बिजिराय आरो खहा सुफुंउंथाय होनोबो खावलायहरो ।

तामुलपुर दखरा फरायसा आफादनि खौंसेथि सान फालिदों

आफादनि बारग' आफादगिरि सक्र तालुकदार । बिफां फुलिखौं गायजेनो आफादनि बोसोनगिरि आरो बाक्सा जिल्ला फरायसा आफादनि लेडइ आफादगिरि सुरन्जन राभा आरो बारग' गाहाय नेहाथारि कानु कलिताया । मख'नो गोनांदि 1974 माइथायनि आदार सोमावसारनायाव आसामनि फरायसा दैदेनगिरि गजेन इति आरो पुतुल शइकियाया पुलिसनि गुलि गावनायाव जिउ बाउसोमदोंमोन आरो दुलाराय आसाम फरायसा आफाद 10 जुन सानखौं फरायसा खौंसेथि सान महरै फालिबोदों । दुलाराय तामुलपुर महकुमा फरायसा आफाद आरो आसाम जातियताबादि फरायसा गौथुमा तामुलपुर महकुमायाव आयेन बेरेखायै सोलिबाय थानाय ड्रगसनि फालांगिखौं बन्द खालामनारयनि दाबिजों दिनै तामुलपुर महकुमा पुलिस बिबानगिरिनो गांसे गोसोखांलाइ गथायो । मोननै फरायसा आफाद गथायनाय गोसोखांलाइनि गेजेरजों फोरमायनाय बादिब्ला ओन्सोलाव गोदान जौलैनैनि गोबां लाइमोन सेंग्रा-सिख्लाफोरा ड्रगस बाहायनारयनि जाहोनाव जिउ फोजोबप्रानारयनि लामाजों अगान सुरदों । ओन्सोलनि गुबुन गुबुन जायगाफोराव आयेन बेरेखायै ड्रगसनि फालांगिया सोलिबोदों । ड्रगस फालांगिरिजों लोब्बा थानाय सुबुंफोरखौं थाबैनो हमानाै ड्रगसनि फालांगिखौं फोजोबस्रानो थाखाय महकुमा पुलिस बिबानगिरिनिसिम खावलायहरो ।

आसाम बुक्स अफ रेकर्डआव बाक्सानि लाइमोननि मुडा सोसनजादों

आरिसुनि फार्से आखा-फाखामोन । ओन्सोलनि बैद्यमि मिउजिक कलेजनिफ्राय फाइन आर्टस डिप्ल'मा मोननो हानाय ज्यतिश शरनीयाआ महापुरुष श्रीमन्त शंकरदेबआ सुजुनाय बे खन्थाइखौं 24 घन्टानि गेजेरावनो बेजि आरो खुदुंजों लिरनानै फोजोबदोंमोन । बेनि उनाव बिथानि गासैबो आरिसुआरि खामानिफोरनि सोमोन्दै आसाम बुक्स अफ रेकर्डसिम दैथाय हरनायाव बिफाना बिथानि सोर्जिनाय आर्टखौं गनायथि होयो । गावनि मुडा आसाम बुक्स अफ रेकर्डआव सोसनजानायाव थुलुंगाखानाय ज्यतिस शरनीयाआ इन्डिया बुक्स अफ रेकर्डआव गावनि मुंखौं सोसनारयनि थान्खि लादों होनानै बिथाड मिथिहोदों ।

कभिडनि थासारिनि जाहोनाव गुडामावनो सेवलादों 200 कुइन्टल आलुआ

मावदोंमोन । आलुफोरखौं किल 'फ्रोमबो 6-7 राडव फानानै 60-70 रोजा रांखौल' मोननो हादोंब्लाबो अदेबानि आलु आबाद मावनायाव गासै 2 लाखनिबो बांसिन रां खरसा जादोंमोन होनानै कमिटिनि आफादगिरि आरो नेहाथारिया मिथिहोयो । आलु आबाद मावनानै खहा जानांनयाव दुखु खालामासेनो नबदिप फोथार सामब्लाय कमिटिया बे हायावनो तरमुज, फानलु, थाइबें आरो माइनि आबाद मावजेनदों । गासै 7 बिधा हानि 3 बिधा हायाव बंगबन्धु जौलैनै माइ आबाद मावदों, बेनिनो 2 बिधा हायाव तरमुज आबाद, खावसे बिधा हायाव फानलु आरो गुबुन खावसे बिधा हायाव थाइबें आबाद मावदों । आबाद मावनारखौं नुनानै तामुलपुर महकुमा आबाद बिबानगिरि मावख'नि बिबानगिरि-मावफारियाफोरा आबाद फोथाराव नुजाथिहेनानै आबाद फोथार आरो आबाद मावनारयनि आदबफोरनि सायाव बोसोनो होनायजों लोगोसे आबादआव जिबआरि हासार बाहायनोबो बोसोन होयो । अदेबानि शालमारा नबदिप फोथार सामब्लाय कमिटिया आबाद बिफाननिफ्राय जेबो रोखोमनि अनसुथाय मोननो हायाखै होनानै फोरमायो । इयुनाव आबाद मावनानै गावनि आथिडव गसंथानारयनि मिर्जिजों शालमारा ओन्सोलनि माखासे सोलोंथाइ गोनां लाइमोनफोरनि नाजानायाव नबदिप फोथार सामब्लाय कमिटिखौं दानाय जादोंमोन आरो इयुनाव बिगियानआरि आदबजों जौगा थाखोनि हिदुन्थारयनि थान्खिखौं थि खालामनाय जादों होनानै कमिटिनि आफादगिरि निखिल देया मिथिहोयो ।

भवानिपुर-मानास माहारियारि पार्क थांग्रा पि डब्लिउ डि लामाया बायफ्लेलांनायनि थासारियाव दसैं

खालामनारयनि बिथिडाव हादोतारि-गुबुन हादोतआरि दावबायारिफोरजों लोगोसे ओन्सोलनि सुबुंफोरा गोबां जेनाजों मोगा-मोगि जानो गोनां जादों । जरखायै भवानिपुर, कलबारि, लेसेरा, साउदरभिटा, हातख'ला, गाति बार्यदि ओन्सोलफोराव लामानि गेजेराव गोथौं-गोथौं हाखर सोमजिनयाव लामाया बायफ्लेलांनो हमदों । गोलाव समनिफ्राय लुफामफिन्नायनि आंखालजों लोगोसे गोनांथि जानारयनिखुइ बांसिन एबा थि जखानिखुइ बांसिन अन्थाइ-बाला रोगानाय डम्पारफोरा थालाय-फैलाय खालामनारयनि जाउनाव लामाया बायफ्लेलांनो हमदों । बेनि अनगायैबो बे लामाजों फोनानांजाबनाय साउदरभितानिफ्राय शालबारि महकुमा सदर, रुपहि जानानै मानास माहारियारि पार्कनि भुजापारा रेन्जसिम थानाय पि डब्लिउ डि लामानि जरखायै रुपहिनफ्राय भुजापारा रेन्जसिम खमैबो 6 किल 'मिटार गोलाव लामाया गोलाव समनिफ्रायनो फायफ्लेना थाबोदों । मख'नो गोनांदि भवानिपुरनिफ्राय मानास माहारियारि पार्कसिम थानाय पि डब्लिउ डि लामायाव सरुपेटानि रेलवे क्रसिडव दालां गैथैनि जाहोनाव रेल खारफुनाय समाव लामाया बन्द जानानै थायो ।

ओड़िया रावनि रेवति सुंद' सल'आ बर' रावआव बेखेवजासिगोन

बिसोर सा 41 गागि थुनलाइगिरिफोरनि गेजेराव भारतनि सा 21 आरो गुबुन हादतनि सा 14 थुनलायगिरिफोर । बेनिनो मोन 23 सेडिउल रावफोर आरो मोनै सेडिउल नडै भारतारि रावफोर दं । गुबुन हादतारि रावफोर जादों फारियै जामानि, जापानिस, रासियान, फ्रेन्स, स्पेनिस, पलिस, हेब्रिउ, तुर्किस, चीनहालेसे, बालसि, उजबेक आरो पुजाबि-साहा मुखि । बिसोर साफ्रोमबो राव सोलायगिरिफोरा गावबा-गाव रावनि थुनलाइ फोथाराव बाखायजानाय आरो मान मोनजानाय लिरगिरिफोर । बे सल'खौं लिरदोंमोन गोदान ओड़िया थुनलाइनि बिफा महरै मान मोननाय फकिर मदन सेनायतिआ 1898 माइथायाव । कलेरा महामारिनि जाउनाव गंसे नख'रा जोबस्रानारयनि हेंथायै बे सल'खौं लिरनाय जादोंमोन । बर' राव आरो थुनलाइनि थाखायबो देरागाथाव आरो गोम्गानो गोनांदि, बर'नि सासे मुंदांखा गागि थुनलाइगिरि, साहित्य अकाडेमि बान्थाजों मान होजानाय, बुहुम फरायसालिनि प्रफेसार ड० अनिल कुमार बर'आबो बे सल'खौं राव सोलायनाय गेदेमा थुनलाइगिरिफोरनि गेजेराव सासे । थानाय 1961 माइथायनि डिसेम्बर दाननि 9 अक्टयाव जोनोम मोननाय बिथां ड० अनिल कुमार बर'आ दासिम गासै 20 गांनिबो बांसिन बिजाव लिरनानै बर' राव आरो थुनलाइ फोथाराव बेसेन गोसा बिहोमा होबोदों आरो बर' थुनलाइनि बाकि्रखौं धोनि खालामबोदों । खन्थाइ, रायथाय, सल', बिजिरिथाय बायदिफोराव बिथानि नोजेरा गुवार आरो गोथौं । बर'नि अनगायैबो इंराजी, असमीया आरो गुबुन रावफोरवबो बिथाड मैनो रोडै हाबा मावबोदों । रेवति सल'खौं बर' रावजों राव सोलायनाय हाबाया बर'नि मानखौं आरोबाव मुलुगयाव गोसारहोनारयनि आगानसे आवगायबाय ।

The Cambridge Encyclopedia of the English language नि लिरगिरि देबिड क्रिस्टेल, कर्नेल इउनिभार्सिटि, इउ एस एनि इंगजी बिफाननि प्रफेसार सत्य पि. महानति, भारतनि आगुनि जास्टिस आरो खन्थाइगिरि जास्टिस दिपक मिखा, ग्यानपित बान्था मोनगिरि आरो गागि खन्थाइगिरि चित्तकान्त महापात्र, भारत सरकारनि आगुनि सेक्रेटारि आरो खन्थाइगिरि सत्य महानति, गागि लिरगिरि आरो सावरयगिरि सान्त गखेल, गागि लिरगिरि आरो जयपुर लिटारिसार फेस्टिबेलनि गाइसनगिरि-बिथोनगिरि नमित्त गखेल, सेन्ट्र फर कन्सेप्यारि थिउरि बर'दानि बिथोनगिरि प्रफुल्ल सि कर, मुंदाखा लेंगुइस्ट आरो कानपुर आइ आइ टिनि इंगजी बिफाननि आगुनि प्रपेसार जतिन्द्र के नायक, बिथांमोनहा बे सल'खौं राव सोलायनायाव हाबा मावदों । हायुं गेजेरारि मुंदांखा महरगिरि आरो सावगारि आखिप्रा जतिन दासआ बे बिजाबनि बिखं महरखौं जोबोद समायनायै महर होदों । बे बिजाबखौं Dhauli Books, an Independent publishing House, Bhubneswar, Odisha आ फोसावदों । मख'नो गोनांदि, बे बिजाबखौं बोहैथि दाननि फैगौ 14 अक्टखालि बेखेवनाय जागोन । बे साना पखिर मदन सेनारयतिनि 102 थि रूंसारि सान । बुहुमनि दर 14 हादतफोर, मोन 36 रावफोर, सा 27 भारतारि आरो सा 14 गुबुन हादतनि गासै सा 41 राव सोलायगिरिफोरा राव सोलायनाय बे सुंद' बिजाबआ जोबोरै ख'हाव गोनां फरायथावना जागोना रोखा । बे बिजाबखौं फरायनानै लिरगिरिफोरखौं थुलंगा होनो थाखाय बर'नि सासे मुंदांखा लिरगिरि आरो साहित्य अकाडेमि बान्था मोन्नो हानाय ड० अजित बर'आ साफ्रोमबो फरायगिरिफोरखौं खावलाय हरदों ।

सिनाय मोनै सुबुंनि गोथै सह' बोखांदों

मोन्दों । खौरं मोनानै पुलिस हान्जाया जाथायथिलियाव फैनानै थैनानै थानाय बोराय सुबुंनि गोथै सह'खौं(बुबुंआंखौंबेखेवआक्काद खालामनो थाखाय काजलगवनि जि एस बि देहा फाहामसालियाव थिसनहैनाय जादों । खौरं लिरजासिम गोथै सह'नि मुं आरो थंखौं मिथिनो हानाय जायाखै लोगोसे बे सुबुज माबोरै थैनानै थादों बेनि सायावबो रोखा मिथिनो मोननाय जायाखै ।

मुसलपुर जिल्ला आबाद बिफाननि मावख'आव बि टि चिनि मावकुं सोद्रोमा घनस्याम दासआ हरखाबै नायगिदिहैदों

थान्खिखौं लायो । हरखाबै नायगिदिहैनारयनि उनाव बाक्सा जिल्लानि आबाद बिफाननि मावख'आव गोबां जेनाफोर दड' होनानै बिथाड बुडो । गुबुन फार्सेथिं आबादारिफोरनो थोजासे हेफाजाव खालामनो थाखाय बिबानगिरिफोरा सम सम आबाद फोथाराव थाडोब्लाबो दिनैसिमबो रावबो बिबानगिरि एबा मावफारियाफोरा थाड । बेनिखानयो गुबुन गुबुन सुबुंफोरनिफ्राय मोननाय मिथिथायनि बिथायाव मावख'आव नायगिदिफैनानै बिबानगिरिफोरजों सावरायलायो । बिबानगिरिफोरजों सावरायलायनायाव बिबानगिरि आरो मावफारियाफोर जिरायनाय जायगानि आंखाल जानायजों लोगोसे आबादारिफोरनि थाखाय थिनारय जौलैफोरखौं रानानै होनारयनि थाखायबो गोनांथि बादिथै जायगा गैया होनानै बिथाड फोरमायथियो । बे गासैबो जेनाफोरौ सुस्रानो थाखाय थाबेनो बि टि चि खुंथाय आरो आसाम सरकारनििसिम फोरमायथिनानै गोनांथि जाना बायदिथै राहा लानाय जागोन होनानैबो मावकुं सोद्रोमा घनस्याम दासआ बुडो ।

पि टि चि ए, ट्राइबेल संघनि गागि दैदेनगिरि, गागि समाज सबियारि आजुराम आलसियारीआ गैलिया

बोसोरारि लेडइ आफादगिरि आरो आथिखालनि बोसोनगिरि महरै खामानि मावबोनाय गागि समाज सिबियारि जनाइ टेलामनि बरदन्दी गामिनि थागिबि आजुराम आलसियारिया दिनै बेलासिनि 5.30 रिंगायो समाव हाइ प्रेसारजों भुगिनांनानै जोबथा हां बोयो । रूंसारि जानाय समसिम बिथाड 93 बोसोर बैसो जाबायमोन । थानाय दान मोनसे समनिफ्रायनो मुंदांखा ट्राइबेल दैदेनगिरिया हाइ प्रेसारजों भुगिनांनै दड'भोन । डिबुगड, धेमाजि, रुकसिन बायदि गुबुन गुबुन जायगाफोराव बिथानो फाहामथाय होनाय जादोंमोनब्लाबो अदेबानि दिनै मोनाबिलि समाव बिथाडव गावनि न'आवनो जोबथा हां बोयो । गागि समाज सिबियारिनि रूंसारि जानारयनि खौराड गोसारनाय लोगो लोगोनो जनाइ टेलामनि बरदन्दी गामिनि न'आव नुजाथिहेनानै खौंसेथि बर' सुबुं आफाद धेमाजि जिल्ला आफादनि आफादारि नेहाथारि गुनेस्वर दैमारी, गेजेर जनाइ दखरा आफादनि आफादगिरि हरि बसुमतारी, गाहाय नेहाथारि रजनि रामसियारी, एबसुनि गेजेर जनाइ दखरा आफादनि आफादगिरि मथुराज मुसाहारी, गाहाय नेहाथारि गाइदां बसुमतारी, गेजेर जनाइ दखरा आबोफनि गाहाय नेहाथारि मालति गयारी, ट्राइबेल संघनि रामधन दिखादि दखरा कर्मिठि बायदि आफादफोरनि दैदेनगिरि-सोद्रोमाफ्रा जोबथा मान जाउवो । थैनारयनि समाव बिथाड सांसे फिसाज्ला, बिहामजो, सा 7 फिसाजो-बिजामादे आरो फिसौफोरखौं बे बुहुमाव अरायनि थाखाय नागरलाडो । गागि ट्राइबेल दैदेनगिरि, गागि समाज सिबियारि आजुराम आलसियारीनि रूंसारि जालांनायाव इउ बि पि अनि आफादगिरि मनरन्जन बसुमतारी, गाहाय नेहाथारि पिताम्बर ब्रम्ह मोनहा गांसे रादाव बिबुंसारनि गेजेरजों गोथौं दुखु मोननाय फोरमायनानै बुडोदि लक्षिमपुर जिल्लानि ट्राइबेल सुबुंफोरनि थाखाय गोबां बिहोमा होलांनाय आजुराम आलसियारीनि रूंसारि जालांनायाव समाजनि थाखाय गोबां खहा जाबाय होनानै बिथाड बुडो । जनाइ जिल्ला ट्राइबेल संघनि आफादगिरि अजित रेगन, लेडइ आफादगिरि ऐलक्य सन'वाल, गाहाय नेहाथारि पबेस्वर दले, धेमाजि जिल्ला इउ बि पि अ नि रातिराम बसुमतारी, गाहाय नेहाथारि दिपांकर नाजारी, लोगो गाहाय नेहाथारि हेमकान्त दैमारी, धेमाजि जिल्ला आबोफनि आफादगिरि फुलेश्वरि दैमारी, धेमाजि जिल्ला बर' थुनलाइ आफादनि गाहाय नेहाथारि सुसिल बसुमतारी मोनहा आजुराम आलसियारीनि रूंसारि जानायाव गोथौं दुखु मोननाय फोरमायनानै बिथाड सासे ट्राइबेल सुबुंफोरनि थाखाय लामा दिन्थिप्रा सुबुंमोन होनानै फोरमायो आरो बिथानि जिउमानि अराय गोजोननि थाखाय इसोरनििसिम आर'ज गाबो ।



बिक्की कौशल आरो केट्रिना रिसेसन-सपआव गोमोथाव भीम्स बानायदों

गोदान दिल्ली, 10 जुन : मोनसे इन्टारभिड आव बलिउड फावखुंगि केट्रिना केफ आरो बिक्की कौशलनि रिसेसनसिपखौ लानानै गोबां समनिफ्राय खौराडव सोलिबाय थादोंमोन, नाथाय थारैनो बिसोर सानैया रिसेसनसिपआव दड ना बानसावनाय बाध्रासो बेयो कन्फर्म जायाखैमोन। बावैसो समाव बलिउड फावखुंगुर हर्षबर्धन कापुरआ बे खौरांखौ रोखा खालामना होबायदि केट्रिना आरो बिक्कीआ लोगोसे डेट खालाम गासिनो दड।



मोनसे बाध्रा सावरायनाय समाव हर्षबर्धननाव सोंथि सोंनाय

जादोंदि, इन्डास्ट्रीआव बेबायदि सोरनि रिसेसनसिप दडजायखौ नोंथाड नंगुबै होनानै हमदाडो

आरो बेयो पिआर स्टान्ट नड ? बेनि फिन्नायाव फावखुंगुरआ बुडे, केट्रिना आरो बिक्की कौशलआ लोगोसे दड, बिसोर सानैनि सोमोन्दै जाय खौरांफोरा सोलिदों। बेयो नंगुबै। आं हमदाडोदि बेखौ फोरमायनायि उनाव आं जेनायाव गाव्लै हागौ। मख'नो गोनांदि, बिक्की कौशल आरो केट्रिना केफआ एफेयारनि खौरांफोरनि जाहोनाव गोबाव समनिफ्रायनो खौराडव थाबाय थादों। बावैसो समाव बिक्कीखौ केट्रिना केफनि न'आव स्पट खालामदोंमोन।

गाहाम देहानि राहा

फिथाय-सामथायनि रसजों माखासे बेराम फाहामनो हायो

म T X I स े बेरामफोरखौ जानगर खालामनायनि राहाया किचनयावनो थायो। किचनआव माखासे औरैबादि फिथाय सामथाय आरो मैंग मैलाफोर थायो जाय माखासे बेरामफोरखौ जानगर खालामो।

गासिबो बेरामफोरनि थाखायबो मोजां होन्ना सान्ना लानाय जायो।

माखनखौ जानो नाड। (4) हाइ ब्लाड प्रेसार : हाइ ब्लाडप्रेसार दंढला गाजर, आंगुर, मौसमि आरो



(1) जाग्रा आदार जानो उखैयै :-जुदि जाग्रा आदार जानो उखैयाब्ला फुडव लेबुनि बै रसखौ दैजों गलायना लोंनांगौ। बेनि अनगायैबो जाग्रा आदार जानायनि सिगां हायजेंखौ उन्नानै गोसोम संखिजों लोगोसे जाब्लाबो बे जेनाया जानगर जायो।

:-सामब्राम गुफुर, हायजें, तुलसी, चुकन्दर, खपी, गाजरनि रस, भाजोनि सुप आरो मुंग दालिनि सुपखौ हापानि बेरामनि थाखाय मोजां होन्ना सान्ना लानाय जायो।

ज्वारफोरनि रसखौ बाहायब्ला मुलाम्फा मोनगोन। हाइ ब्लाड प्रेसारनि थाखाय गोसोयारि आरो देहायारि आरामै थानाय गोनांथाय।

(2) थैखौ साखोन-सिखोनै लारिनाय :-जुदि थैया गोगो नडाब्ला माखासे बेरामफोरा जानो हागौ। बेनिफ्राय रैखाथि मोनो थाखाय लेबु, गाजर, खपी, चुकन्दर, पालें, आपेल, तुलसी, निम आरो बेल बिलाइफोरनि रसखौ बाहायनो हागोन। बेलनि रसखौ उन्दैजों सोमोन्दो थानाय

(5) ल' ब्लाड प्रेसार :-ल' ब्लाड प्रेसार गोनांया गोदे फिथायफोरनि रसखौ जानांगौ। नाथाय गोखै फिथायखौ जानो नाड। आंगुर मौसुमि फिथाय आरो गायखेरा मुलाम्फा गोनां।

रामायणनि सायाव बानायनो गोनां सावथुनआव करिना कापुर खानआ सितानि फाव खालामगोन

गोदान दिल्ली, 10 जुन: सरासन्ना महरै जुलिनि उनाव एबा बिमा जानायनि उनाव बलिउडनि फावखुंगुरफोरनि केरियारआव एसे थाद'यो। नाथाय बलिउड फावखुंगुरि करिना कापुर खानजों बेबादि जायाखै। माखासे बोसोर सिगां जुलि जानायनि उनाव आरो बिमा जानायनि उनावबो करिना कापुर खानआ लांथियै फाव खालामदों आरो फावखुंगुरिनो सावथुनफोरखौ अफार खालामदों। डिलिभारिनि उनाव करिना कापुरआ



गावखौ थाबैनो गोदान मेनटेन खालामदों। जानो हागौ बे जाहोनि थाखायनो बिनि के रियारआ थाद'याखै। फावखुंगुरिआ माबेबा नडा माबेबा जाहोनि थाखाय खौराडव थाबाय थादों, नाथाय बे समाव फावखुंगुरिखौ लानानै मोनसे खौराडा थादों। खौरांनि बादिब्ला, करिनाया डिरेक्टर आलौकिक देसाइनि सावथुन सितायव सितानि फाव खालामसिगोन। बे सावथुननि थाखाय फावखुंगुरिआ 12 कौटिंरि बदिदों। आथिकालाव मेकासनि फासँ बे खौरांखौ जेबो मावख'यारि फोसावनाय जायाखै। नाथाय सावथुन लिरगिरि बिजेन्द्र प्रसादआ बे खौरांफोराव सिरि थानायखौ सिफायदों आरो नंगुबैखौ फोरमायदों। मोनसे बाध्रा सावरायनायाव बिजेन्द्र आ करिनानो फाव अफार होनायखौ रोखायै गनायाखै आरो बियो बुदोंदि, बेबादि जेबो नडा। बेराफासँ मोनसे

सुलुडा वेबसाइटजों बाध्रा सावरायनाय फोरमायदों, करिनाया बे फावखौ खालामनाय नडा। बेयो सोरनिबा सान्नाय-हनायनि माके'टिं। जानो हागौ बेनिखायनो, मानोना मोनसे सावथुनआव बिनि फिसाइ सेफ आली खानआ रावगनि फाव खालामदों। फावखुंगुरिनि वर्क फ्रन्टनि बाध्राखौ बुडोब्ला करिनाखौ थाबैनो करण जहरनि तख्ता, भीरे दि वेडि 2 आरो हन्सल' मेहतानि बिथोन होनायाव बानायनो गोनां मोनसे आनटाइटेल्ड सावथुनआव नुनो मोनगोन। बेनि अनगायै फावखुंगुरिनि सावथुन लाल सिं चडढाआबो रिलिस जागोन जेराव बियो आमिर खानजों लोगोसे स्क्रीन शेयार खालामदों। बे सावथुननि करिनानि पार्टनि शूटिआबो आबुं जाबाय। बेराफासँ फावखुंगुरिखौ थांनाय बोसोराव इंगरिज मिडियामआव नुनो मोन्दोंमोन।

भुमि पेडनेकरखौ रक्षा बन्धनआव अक्षय कुमारजों लोगोसे नुनो मोनगोन



फावखुंगुरि भुमि पेडनेकरआ गावनि इन्स्टाग्रामआव बे सावगारिखौनो सेयार खालामनानै लिरदों, मोनसे गोबां जरखा सावथुन आरो मोनसे गोबां जरखा रिडुनियन। आं गावनि मोनै मोजां मोन्नाय क्रिएटिभ पावार हाउस आरो सुबुंफोरजों लोगोसे गोदानै हाबाफारि मावनायखौ लानानै गोबां थुलुगाखानाय मोन्दों। गोसोआव

रिया चक्रवर्तीखौ द्रौपदीनि फावआव नुनो मोनगोन



गोदान दिल्ली, 10 जुन : फावखुंगुरि रिया चक्रवर्तीना मोजां सान फेन्याय जानांगौ। माखासे सान सिगांसो बियो मस्ट डिजायरेबल वुमेन 2020 नि फारिलाइआव गिबि थाखो मोन्दोंमोन आरो आथिखालाव बिनि गिदिर सावथुनआ फेसिगोन। रिपटनि बायदिब्ला भारतनि महाकाब्य महाभारतखौ लानानै मोनसे गिदिर बाजेटनि सावथुनखौ थांखि लानाय जादों। गोदान खौरांफोरनि बायदिब्ला, रिया चक्रवर्तीनो बे महाभारतनि सल'आव द्रौपदीनि फावखौ अफार होनाय जादों। सम सम महाभारत आरो रामायणखौ लानानै सावथुन प्रजेक्टफोरनि खौराडव सोराडव फेबाय थायो नाथाय बै फावआ रियानि थाखाय गिदिर गुड निउज जादों। टीअ'आइनि मोनसे रिपटनि बायदिब्ला रियाखौ महाभारतआव द्रौपदीनि फाव खालामनाय नुनो हागौ। आथिखालाव मावख'आरि फोसावनायखौ रावनिबो सोमोन्दो खालामनाय जायाखैदि सोर सोर फावगिरिफोरा बे सावथुनआव फावनि अफार मोन्दों। रिपट'आव सुलुनि गथायनायजों लिरनाय जादोंदि, बेयो मोनसे गिदिर प्रजेक्ट जागोन जेराव द्रौपदी आरो महाभारतखौ लानानै मोनसे आलादा फावखौ दिन्थिन्याय जागोन। खौरांनि बायदिब्ला बे सल'खौ मडान वल्ट आरु आथिखालनि समाज बायदि दिन्थिन्याय जागोन। मख'नो गोनांदि, बेबायदिखौ गिबियाव माब्लाबाबो खालामनाय जायाखै। फासँथि फोरमाय जादोंदि, द्रौपदीनि फावखौ रिया चक्रवर्तीनो अफार खालामनाय जादों आरो आथिखालाव बियो बेनि सायाव सावराय गासिनो दड। मख'नो गोनांदि, सुशान्त सिंह राजपुतनि थैनायनि उनाव जानाय ड्रामा केसआव माखासे सान सिगांनो रियाआ एनसिबिनि सिगाडव गावनि बिबुंथिखौ थिसन्दोंमोन। बेवहाय बियो गोबां गोमोथाव बाध्रा फोरमायदोंमोन, जाय उनाव मिडियानि खौराडव थाबाय थादों। वार्क फ्रन्टनि बाध्राखौ बुडेब्ला थाबैनो रियानि सावथुन चेहराया नायगिरिफोरनि सिगाड फेसिगोन।

आरो फावखुंगुरि भुमि पेडनेकरजों लोगोसे मोनसे सावगारिखौ सेयार खालामदों। सावगारियाव साधामखौबो गोजाँ जायगायाव जिरायनानै मिनिनाय नुनो मोन्दों। बे सावगारिखौ इन्स्टाग्रामआव सेयार खालामनानै अक्षय कुमारआ केप्सनआव लिरदों, जेब्ला नोंथाड खुसि जायोब्ला बेखौ दिन्थियोदि मोगथाडव जों दड.. रक्षा बन्दनआव भुमि पेडनेकरखौ लाखिनो थाखाय गोबां गोजोनाय मोन्दों। फासँथि

सुशान्त सिंह राजपुतनि जिउखौ लानानै बानायनाय सावथुनफोरखौ होबथायाखै



गोदान दिल्ली, 10 जुन: दिल्ली हाइकर्टनिफ्राय रंसारि जानाय फावखुंगुर सुशान्त सिंह राजपुतनि बिफाया जेबो रेहाय मोनाखै। दिल्ली हाइकर्टआ सुसान्त सिंह राजपुतनि थैनायनि उनाव बिनि जिउ जारिमिननि सायाव बानायनाय एबा बानायनो गोनां सावथुनफोरखौ होबथायाखै आरो फावखुंगुरनि बिफानि अजदलाइखौ बोखारनानै होदों। मख'नो गोनांदि, सुशान्तनि बिफानि फासँ थिसन्नाय अजदलाइआव फावखुंगुरनि जिउनि सायाव बिथा खालामनाय गुबुन गुबुन थांखि लानाय सावथुनफोरखौ होबथानो दाबि दैखानाय जादों। पिटिआइनि बादिब्ला, दिल्ली हाइकर्टआ बलिउड सावथुन न्याय: दि जास्टिस नि रिलिसआव होबथानो आर'ज गावनायखौ बोखारनानै होदों। बे सावथुनआ शुक्रवारखालि रिलिस जागोन। सुशान्तनि बिफाया दाय जाबसिन्दोंमोनदि, बे सावथुननि गेजेरजों बिनि रंसारि जानाय फिसाज्जानि आखुखौ गात्रि खालामनाय जादों। दिल्ली हाइकर्टआव थिसन्नाय अजदलाइआव सुशान्त सिंह राजपुतनि बिफा कृष्ण किशर सिंआ सावथुनफोराव गावनि फिसाज्जानि मुं एबा बिजों सोमोन्दो गोनां फावफोरखौ बाहायनायाव होबथानो दाबि दैखानोंमोन। अजदलाइआव सुशान्तनि जिउआव फैनो गोनां एबा थांखि लानाय सावथुनफोरनि मुंखौबो मख'दों। मख'नो गोनांदि, सुशान्त सिं राजपुतआ 14 जुन 2020 आव मुम्बाइनि बान्द्रायाव थानाय गावनि प्लेटआव फासि नानाँ सुइसाइड जादोंमोन।

अर्जुन कापुरआ डेब्युनि सिगां गावनि बिब्यैनि फिसाजो शनाया कापुरनो सुबुरुन होनो सानाखै

गोदान दिल्ली, 10 जुन: बलिउड फावखुंगुर सन्जय कापुरनि फिसाजो शनाया कापुरआ बलिउडआव थाबैनो डेब्यु खालामसिगोन। बेफोर गासँबोनि गेजेराव शनाया कापुरनि बिमार्यनि फिसाज्जला देरसिन बिदा फावखुंगुर अर्जुन कापुरआ गावनि बिनानावनि डेब्युआव माखासे एरैबादि बाध्रा बुदों, जायखौ खोनानायनि उनाव साफ्रोमबो गोमोदों। मोनसे इन्टारभिडनि समाव अर्जुन कापुरआ रोखा-रोखा सोदोबआव बुदोंदि, गाव शनायानो बेनि सोमोन्दै सुबुरुन होनो गोसो गैया। मानोना फावखुंगुरनि बादिब्ला,



शनायाआ गावनो गावनि थांखिखौ थि खालामनांगौ। मख'नो गोनांदि, शनाया कापुरआ सावथुन मेकार करण जहर आरो शशांक खेताननि प्रडाक्सनआव बानायनो गोनां सावथुनजों गावनि सावथुन केरियारखौ जागायगोन। बेयो मोनसे लाभ ट्राइगलनि सायाव बिथा खालामनाय सावथुन जागोन। बेवहाय लक्ष्य ललवानी आरो गुरफेतह पीरजादाखौबो शनायाजों लोगोसे नुनो मोनगोन। गावनि डेब्युखौ लानानै शनायाआ गोबां एक्साइटेड जादोंब्ला गुबुन फासँ बियो गावनि बिमार्यनि फिसाज्जानि बिबुंथिजों एसे

गिदों। स्पटबयनि जर'खा सावरायनायाव जेब्ला अर्जुननाव बेखौ सोंनाय जायोदि, शनायानो डेब्युनि थाखाय सुबुरुन होयो नामा ? बेनि सायाव फावखुंगुरआ बुडे-आं सुबुरुन होया, मानोना साफ्रोमहाबो गाव-गावनि थांखि थायो, साफ्रोमबो गाव-गावनि मोजां मोन्नायखौ बानायनांगौ। बियो गोबां मोजां आखाइयाव दड। शनायाजों लोगोसे बिनि बिमा-बिफाबो दडआरो आंनि सापटबो दड। बियो बुंवावदों-इयुनआव गाव बिनो गाइड होनो हागौ। आथिखालाव गाव बिनो सुबुरुन होनो साना।

संदाननाय बिथिडाव आइआइएससि बेंगलुरुआ मुलुगयाव गिबि थाखोआव थानो हादों

गोदान दिल्ली, 10 जून : मुलुगआव भारतनि गियान आरो बिगियानआ गोहोम गोम्लैनो हादों। क्वाक्वारेली साइमन्ड वर्ल्ड इडनिभासिंति रेंकि 2022 आव सोदानायायनि बिथिडाव भारतयारि बिगियान फसंथान बेंगलुरुआ मुलुगयाव गिबि सारियाव जायगा आवग्रिनो हादों। बे बिथिडाव आइआइएटि गुवाहाटीयाबो 41 थि थाखोजें लोगोसे गोख्रों जायगा आवग्रिनो हादों। मुलुगनि गोजौ थाखोनि मोन 200 फसंथानफोरनि गेजेराव मोन 3 भारतीय गोजौ थाखोनि सोलेंथाय फसंथानआ जायगा आवग्रिनो हादों। बेवहाय आइआइएटि बम्बेआ 177 थि आइआइएटि दिल्लीया 185 थि आरो आइआइएससिआ 186 थि थाखोआव दं। मुलुगनाडैन गोजौ थाखोनि सोलेंथाय फसंथाननि दिन्थिफुं नायखौ बोसोरायि



नायबिजिरा लन्डनआव थानाय किकुएस एजेन्सिया वर्ल्ड इडनिभासिंति रेंकि 2022 खौ फोसावदों। बे खेबयाव 22 था भारतीय फसंथानफोरा जायगा आवग्रिनो हादों। 2021 बेवहाय 21 था भारतीय फसंथानफोरा थाफादेरनो हादोंमोन। आथिखालाव बे खेबयाव आइआइएटि बम्बेनि रेंकियाव दावख्लायदों। थानाय बोसोरायि बेनि रेंकिया 172 मोन, जाय बे खेबयाव 177 याव थादों। आइआइएटि दिल्लीनि दिन्थिफुंनो हानाया सुम्रादों आरो थानाय बोसोरनि 197 थि जायगानि रुजुनायाव बे खेबयाव 185 थि थाखोआव थानो हादों। इडनिभासिंतिनि थाखोआव दिल्ली इडनिभासिंति

आरो जेएनइडआ जायगा बानायनो हादों। फिउएस रेंकियाव जेएनइडया गिबि खेब थाफादेरनो हादों। दिल्ली इडनिभासिंतिनि थाखोआव 501-510 याव आरो जेएनइडनि थाखोआव 561-570 याव थाफादेरनो हादों। मिरु सोलेंथाय मन्थि रमेश पखरियाल निशंकआ किकुएस रेंकियाव भारतनि गोजौ थाखोनि सोलेंथाय फसंथानया मोजाडे दिन्थिफुंनो हानायाव गोजोन्नाय मोन्नाय फोरमायदों आरो बुंदों, भारतआ फिन बिश्व गुरु जानाय फासैं आवगय लांगसिनो दं। संदाननायखौ बांहोनो थाखाय थानाय माखासे बोसोरनिफ्राय गहाय मन्थिनि सामलायनायाव जेरबादिथै हाबाफारि मावनाय जादों, बेनि फिथया बेनोदि, भारतीय फसंथानआ संदानयनि बिथिडाव मुलुगनि गोजौ थाखोआव सौहेंनो हादों। बियो बुंदों, गोदान माहारियारि सोलेंथाय नेमखाथिआ फुरायै गनायथि जानायनि उनाव बेवहाय दावखोआवनायखौ नुनो मोनगोन।

पाकिस्ताननि मसजिदनिफ्राय तालिबाननो रांखान्थि मदद हरदों



पेशावर, 10 जून: उतखारि फसंथानफोरनि थाग्रा खुलि महै मिथिजानाय पाकिस्तानआव बेनि रांखान्थि नेटवर्क आ सोरडव फेदों। बेयाव तालिबान आरो गुबुन उतखारि फसंथानफोरनो मसजिदफोरनि गेजेराव गोबां खेन्दा हरनाय सुबुंफोरजों लोगोसेनो बेबादि फसंथानफोराबो मदद होयो, जायफोरा गुबुन हादरफोरजों सोमोन्दो दड। उतखारिफोरनो मसजिदफोरनिफ्राय खेन्दा हरनाया गोबाव समनिफ्रायनो सोलिबोदों। पाकिस्ताननि बेरेखा दोलोआ बेखौ सोराडाव

थाखाय उतखारिफोरनो मसजिदफोरनिफ्राय खेन्दा हरनायखौ बन्द खालामनंगो। तहरीक ए तालिबान-आफगानिस्तानखौ गनायथि होग्राफोरा मालाबाबो मोजां लोगो जानो हाया। बियो बुं बावो दि, आफगानिस्ताननिफ्राय आमेरिका सान्थिनि थांफिन्नायनि उनाव उतखारिआ पाकिस्ताननि माखासे बाहागोफोराव सांग्रां जाफिनबाय। बेनि उनावबो सरकारआ बिसोरनि हेंथायै नायबिजिराखै। पाकिस्तानआ आथिखालाव सिगांनि गोरोन्थिफोरनिफ्राय बुजिनो मोननानै उतखारिखौ अरायनि थाखाय फोकोबनो थाखाय गावनि गिबि थांखिखौ थि खालामनंगोन। मख 'जाथावदि, आफगानिस्ताननि हादरगिरि अशरफ गनीआ बुंदोंमोनदि, पाकिस्ताननि गुबुन गुबुन सहरफोराव तालिबाननि गोहोम गोम्लैदों। बेयावनो आफगानिस्तानजों लोगोसे गुबुन हादरफोरवबो उतखारिनि यजना बानायो।

आमेरिकाया टिकटक आरो उडिसाटनि बेननि सायाव गोदानै थांखि लाफिनबाय

वाशिंग्टन, 10 जून: बाइडेन खुंथाया चीननि एप्स टिकटक आरो उडिसाटनि सायाव होबथानाय बिथिडाव सावरायलायनायजों सोमोन्दो थानाय बाराग' हादरगिरि डनाल्ड ट्राम्पनि हाबाफारि बिथोन होनायखौ बोखानानै लाफिनबाय। बेजों लोगोसे चीननि एप्लिकेसनजों सोमोन्दो गोनां माहारियारि रैखाथिआव जेंना नुजानायखौ सिनायथिनो थाखाय गावनो नायबिजिरनो थांखि लादों। ह्वाइट हाउसनि गोदान हाबाफारि बिथोन होनायाव फालांगि बिफाननो चीननि गेजेरजों बानायनाय, सामलायनाय एबा जगायनानै होनाय एपजों सोमोन्दो थानाय फोरमानखौ नायबिजिरनो बिथोन होदों। ह्वाइट हाउसआ गोदानै चीननि एप्स आरो कम्पानीफोरखौ लानानै सोलोयारि खांन्थिखौ थियारि खालामदों। ह्वाइट हाउसआ बुंदोंदि, आथिखालाव गोदाने बे केसआव सावरायनाय जादों आरो थाबैनो नंगुबै थांखिखौ



लानाय जागोन। बाइडेन खुंथाया बुंदोंदि, जोंनि सरकारआ सुबुंफोरनो अनलाइन रेखाथिनि थासारिखौ होनो हास्थायो, जों ग्लबेल डिजिटल इकनमीखौ हेफाजाव होयो। बेबादियाव बे थांखिखौ लाफिन्नाय जादों आरो गोदानै थासारिखौ नोजोर होनाय जागोन। बिबानगिरिफोर जर'खा महैरै बै एप्लिकेसनफोरखौ लानानै जिं'गासिदों जाय सुबुंफोरनि गावयारि डाटाखौ बुथुमो आरो चीननि सान्थि हन्जा एबा संगालिनि थांलाय-फैलायजों सोमोन्दो दड। मख 'नो गोनांदि, करना

सान्थिनि थाग्रा खुलि बानायनो थाखाय पाकिस्ताननि सायाव आमेरिकाया नारसिन्दों

इस्लामाबाद, 10 जून: हिंसायारि जाथायफोरा गोख्रों जाबोनायनि गेजेराव आमेरिकाया मोन्दांथिदोंदि, आफगानिस्तानआ थाबैनो उतखारि थाग्रा खुलिआव सोलायसिगोन। जाउनाव आमेरिकाया पाकिस्ताननि सायाव बेनि हा बाहागो आरो अखांमा लामाखौ बाहायनो थाखाय नारसिन्नायखौ नुनो मोन्दों। आमेरिकानि माहारियारि रैखाथि बोसोनगिरि जेक सुलिबनआ वेखौ मिथिहोयो। बियो फोरमायदि, सान्थि , संगालि आरो थान्दै थाखोआव पाकिस्तानखौ गनायहोनो थाखाय आमेरिकाया गुवारै सावरायदों। गावसिनि यजनाया आफगानिस्तानखौ फिन उतखारिफोरनि खुलि जाफिनहोयै। बेयाव फिन खनसेबाव तालिबानजों लोगोसे अलकायदा आरो आइएसआ



जयै लोगो जागोननि सन्देह आफगानिस्ताननि नसुंसे सावरायज्जलायगासिनो आरो खालामनाय जादों। गावसोर हादरफोरजों थांखिखौ नागिरनो नाजागासिनो

दड होनानै सुलिबनआ बुजे। गुबुन फासैं आफगानिस्ताननि बगलान रइज्योआव बमाजों बुंफबनाय सुरंगखौ संदानग्रा हेल' ट्रास्ट डी साइनि कम्पानीनि सा 10 मावसुमाफोरखौ उतखारिफोरा बुथारदों। बे जाथायाव कम्पानीनि गुबुन सा 14 मावसुमाफोराबो जोखोम जादों। कम्पानीनि मावसुमाफोरा गावसिनि खामानिया जोबनायनि उनाव केम्पआव दडमोन। बे समावनो सिनाय मोनै दुथांफोरा बिसोरखौ गागलोबो। इउएनि मावख'आ मोनसे फिन होनायाव बे जाथायखौ गिखंथाव गागलोबनाय होनानै फोरमायदों।

पाकिस्तानआव रोजा-रोजा बोसोर गोजाम मन्दिरआव पायखाना लुनायनि जेंना नुजाथिदों



पेशावर, 10 जून : पाकिस्ताननि खैबर पाखुनख्खानि मनसेहरायाव 3 रोजा बोसोर गोजाम शिव मन्दिरनि लांगोना सिडाव गनायजाथावै लुनाया ओन्सोलनि हिन्दु हारिखौ जेंनायाव खोख्लैदों। खौरांनि

जायजों मन्दिरनि गोथारथि, जारिमिनारि आरो गायसन्नायनि गुदिबिथायाव जेंना सोमजिखदों। हिन्दु मन्दिरनि सुबुंफोरा हाइकर्टआव थाडे, आरो बे केसखौ नायबिजिरनो थाखाय गनायथिनानै बेनि बिबानगिरिफोरनो नटिस हरो। रिपर्टनि बादिब्ला, खैबर पखुनख्खा सरकारि बर्डनि टेकनीकी हान्जाया माखासे साननि गेजेराव बेयाव दावबाय है गोन आरो हित मोनगिरिफोरनि सुबुरुन बादिथै बे आयदाखौ सुस्रागोन। अल पाकिस्तान हिन्दु राइटस मुभमेन्टनि आफादिगिरि हारुन सरब दियालआ बुंदों, बे मख 'जाथाव मन्दिरनि गोथारथि आरो गुदिबिथाखौ रोजा खालामनो थाखाय साखाथियाव पायखाना लुनायखौ होबथानो थाखाय बे केसखौ कर्टआव लांनाय जादों। अदेबानि गोत्राब केस नुजानायावबो रावबो बिबानगिरियानो नोजोर होयाखै। मनसेहरा शिव मन्दिरआ पाकिस्ताननि बयनिखुइबो गोजामसिन हिन्दु मन्दिरफोरनि गंसे, जायखौ चिट्टी गली मुडै मिथियाय जायो। बै मुंखो गुफुर मार्बल अन्थाइजों बानायनाय शिव मन्दिरनि थाखाय दोन्नाय जादों। शिबरात्रिनि समाव बेयाव फुरा पाकिस्तान आरो गुबुन हादतफोरनिफ्रायबो गोबां सुबुंफोर कैयो।

करना भेक्सिन थुजानायनि उनावबो डेल्टा भेरिएन्टआ गोहोम खालैयो : एम्सनि संदानाय

गोदान दिल्ली, 10 जून : हादतआव करना भाइरासनि नैथि दोहोआ जोबनाय फासैं फेगासिनो। बेनि गेजेरावनो थानाय माखासे दानफोराव करनानि गोदान गोदान भेरिएन्टखौ सिनायथिनो मोनो। बेफोरनि मोनसे डेल्टा भेरिएन्टखौ लानानै मोनसे गोदान रिसार्चआ सोरांआव फेदों जाय जोबोद गिखंथाव। एम्स, दिल्लीयाव खालामनाय मोनसे संदानायाव मिथिनो मोन्दोंदि करना भेक्सिन लानायनि उनावबो डेल्टा भेरिएन्ट (बि.1.617.2) खौ गोख्रों गोहोम गोनां नुनो मोन्नाय जादों। संदानायनि बादिब्ला, करना भाइरासनि डेल्टा भेरिएन्टआ भेक्सिन गोहोमखौ खम खालामनाय नुनो मोन्दों। भेक्सिन थुजाखानायफोरनावबो गोबांनवनो डेल्टा भेरिएन्टखौ

मोन्नाय जादों। एम्सनि गिखंथाव होनानै फोरमायदों। संदानायाव बे बाथ्राया रोखा एम्सनि संदानायाव सा 63 जादोंदि, डेल्टा भेरिएन्टआ जोबोद गिखंथाव आरो कभिशील्ड एबा क-भेक्सिननि भेक्सिनखौनो लायामानो डेल्टा भेरिएन्टआ सुबुंफोरखौ इनफेक्सन खालामनो हानाय गोहोदं। मोनैबो डूपखौ लानायनि उनावबो डेल्टा भेरिएन्ट सुबुंफोरखौ गागलोबदों। डेल्टा एबा बि.1.167.2 भेरिएन्टआ भारतआव गिबियै सिनायथिनो मोन्नाय मोनथाम रोखोमनि गेजेराव मोनसे। बे भेरिएन्टखौ मुलुगनि दर 53 हादतफोरावबो मोन्नाय जादों। बेखौ हुया

कभिशील्ड भेक्सिनखौ लोदोंमोन आरो सा 52 सा कभेक्सिनखौ थुजादों। एम्सआ फोरमायदोंदि, संदानायाव मोन्नाय जादोंदि, भेक्सिननि मोनैबो डूपखौ थुजानाय 60 जौखोन्दो सुबुंफोरनाव आरो मोनसेल' डूपखौ थुजानाय 77 जौखोन्दो सुबुंफोरनाव डेल्टा भेरिएन्टखौ मोन्दों।



